

857  
Acosta.

Aromatum Liber.

Plantin. 1582.



6816



John Carter Brown  
Library  
Brown University



CHRISTOPHORI  
A COSTA, MEDICI  
ET CHEIRVRGI

*Aromatum & medicamentorum  
in Orientali India nascentium*

LIBER:

PLVRIMVM lucis adferens iis quæ à Doctore  
GARCIA DE ORTA in hoc ge-  
nere scripta sunt.

CAROLI CLVSII ATREBATIS opera ex  
*Hispanico sermone Latinus factus, in Epitomen  
contractus, & quibusdam notis illustratus.*



ANTVERPIÆ  
Ex officina Christophori Plantini.  
M. D. LXXXII.



LIBRARIUS

A. COSTA MEDICI

ET CHIRURGI

in Civitate Paduae

in Civitate Paduae

LIBER

in Civitate Paduae

in Civitate Paduae

LIBER

in Civitate Paduae

in Civitate Paduae

in Civitate Paduae



LIBRARIUS

in Civitate Paduae

in Civitate Paduae



ILLVSTRISSIMO<sup>3</sup>

PRINCIPI AC DOMI-  
no D. Wilhelmo Landgrauio Hef-  
fia, Comiti in Catzenelnbogen,  
Dietz, Zigenhain & Nidda, &c.

*Carolus Clusius A.*

**P**RODIT in lucē ante  
bienniū, Illustrissime  
Princeps, CHRISTO-  
PHORI A COSTA Burgenſis in  
Hispania Medici liber, aroma-  
rum & ſimplicium quorundam  
medicamentorum in India na-  
ſcentium hiftoriam complectēs.  
Cum ſuperiore anno in Bri-  
tanica mea peregrinatione ami-  
ci cuiuſdam opera nactus, non  
modò auidè percurri, ſed vtilita-  
tem etiam allaturum cenſui iis  
qui Hiſpanici ſermonis ignari  
A 2 ſunt,



sunt, si latinum facerem. Quam  
fanè prouinciam vt susciperem,  
impulit me natura, quæ simi-  
lium rerum cognitione mirificè  
semper oblectata fuit.

VERVM, cùm totam histo-  
riam cum iis quæ GARCIA S A B  
O R T A multis antè annis in eo  
genere cōmentatus est, diligen-  
tiùs conféro, pleraque ferè om-  
nia ex illis desumpta esse depre-  
hendo. Quamobrem & inanem  
fore laborem, necnon lectori fa-  
stidium pariturum existimaui,  
si, quæ in Aromatum historia  
GARCIAE extāt, hīc retexerem.

SERIE M itaq; capitum im-  
mutans, quæ admodum confusa  
erat, & totum opus in Epitomen  
contrahēs, ea duntaxat latio do-

naui.



naui, quæ apud G A R C I A M non extare, aut paulò aliter ab eo describi animaduerti.

I C O N E S præterea, quas ad viuum expressisse passim gloriatu, suis locis inspererat, reieci, quoniam planè ineptæ essent, & nihil minus, quàm legitimas stirpes referret: vti ex vnica Caryophyllorū arboris effigie (quam idcirco intuli, vt cum legitima, G A R C I A E adiecta, conferre liceat) quilibet iudicare poterit.

Q V I B V S D A M insuper notis nonnulla capita illustraui, vt in hoc genere soleo, præsertim cū quid simile, vel etiam diuersum apud alios Auctores legere memin, aut ipsa experientia didici.

T E N V E M porrò hunc labo-

A 3 rem



rem Illustrissimā V. C. benignè  
suscepturam certò statuens, ip-  
sius nomini cōsecrare non sum  
veritus, cū quòd *Botanica* stu-  
dio summoperè delectetur, tum  
vt aliquod saltem grati mei erga  
ipsam animi specimen extaret,  
pro singulari illa qua me proxi-  
mè Cassellis excepit, humanita-  
te, atque insigni qua disceden-  
tē prosequutus est munificentia.

DEVM autē opt. max. oro, vt  
Illustrissimę V. C. omnia prospe-  
ra elargiri dignetur. Viennę Au-  
strię Cal. Ian. M. D. LXXXII.

CHRI-



# CHRISTOPHORVS A<sup>7</sup>

COSTA CHRISTIANO ET  
PRVDENTI LECTORI.



**Q**MNES homines scire desiderant, inquit Philosophus principio Metaphysices. Tanti apud me fuerunt ponderis ea verba, beneuole lector, vt, relicta patria, per varias regiones & prouincias, sapientes & curiosos quærere instituerim, à quibus singulis diebus aliquid noui ediscere possem: quēadmodū olim fecerunt multi prudentes viri, referente D. Hieronymo in Bibliorum præfatione ad Paulinum.

**C**VPIDVS itaque fructū aliquem colligendi ex meis longis peregrinationibus, cura fuit, vt diuersis in regionibus & prouinciis, plantarum, quas Deus ad humanam salutem creauit, varietatem obseruarem.

**P**ORRO in Orientali India, in D. Garciam de Orta, Medicum Lusitanum incidi, virum grauem, rari & excellentis ingenij, cuius laudes prætereo, quoniam tantæ sunt, vt cū multis enumerasse existimarem, multò plures me subterfugerent.

**S**CRIPSIT is librum Lusitanico sermone, cui titulum fecit *Colloquia de Simplicibus, Aromatibus, & Medicamentis India*



*dia, tum de quibusdam fructibus istic nascentibus.* Vt autem eo libro de variis medicamentis, plantis & aliis rebus humanæ saluti necessariis agit: nonnulla etiam vñibus humanis inutilia attingit, Dialogismorum natura ita postulante, vbi collocutores plerunque diuertere, & extra septa ferri consuevere. Sed & plurimi errores passim occurrunt, quos tamen Auctoris existimatio & laus ipsi tribuēdos minimè patiatur, sed typographi & operarum (quæ in ciuitate Goa, vbi ille scripsit, non adeò cultæ & expolitę inueniuntur vt in his regionibus) potius negligentia: lectori tamē molestiā & tædiū pariunt. Aliud præterea libro deest, quò minùs omnibus numeris absolutus censeatur, nimirū picturæ & plātarū de quibus agit effigies: quas grauioribus & maioris momenti, vt credibile est, rebus occupatus, inserere nō potuit.

CETERVM nostris hominibus eum librum multum profuturum existimabam, si ad earum rerum quæ in eo bonæ continentur, notitiam perducerentur, subiectis ob eorū oculos exemplis & picturis: neminem autem id facile præstare posse, nisi qui eas suis oculis conspexisset, & expertus esset. Itaque patriæ prodesse cupiens, & in meos proximos amore compulsus, eum laborem in me recipere, & singulas stirpes integras ad viuum exprimere constitui, multis aliis rebus additis, quas ipse conspexi, Doctor verò  
de Or-



de Orta ob iam dictas causas non potuit.

NON me fugit quanto me periculo exponam, præsertim hoc sæculo, quo hominum nequitia plurimum imperat, & ea plerunque reprehendere solet quæ non intelligit. Sed id me consolatur, quòd plurimos sapientes viros eodem vado trāsisse certū sit: quos si eiusmodi metus deterruisset, multa hodie ignoraremus, quæ summa industria, ingenij felicitate, & diligentia, in bonarū literarum cōmodum posteritati reliquerunt.

ET licet cum iis minimè sim cōparandus, meaqué audacia eo maior appareat, quòd de nonnullis erroribus agere instituā, qui inter Græcos, Arabes, & Latinos circa plantarū & aromatū cognitionē cōmissi sūt, partim eorū negligētia, partim etiā quòd eorū medicamentorū natales cōspicere nō potuerint, sed ex incertis aliorum relationibus dūtaxat exceperint: venia tamē non indignus cēsebor, si de his quæ meis oculis cōspexi, certissima & verissima hoc libro cōprehendere coner.

VT verò hunc laborem susciperem, gloriæ cupido non me impulit, aut vt doctrinæ maior laus quàm mereor mihi tribueretur: sed vnicus mihi scopus fuit, vt tuis cōmodis sincerè inseruirem. Certò autē mihi persuadeo, etiā si vtilitatē minus fortè laudes, boni tamen consulturū diligentia & laborē, neq; improbaturū meum animū, qui tam lōgis & variis peregrinationibus ea cōspicere voluerim,



rim, quæ alij ex solo auditu descripserunt.

N E C inficias eo, quin hæc elegatiore stilo tradi queant: verum certâ veritatē expolitis verbis longè præferendâ esse censeo. Eam ob causam te rogo meam voluntatē, vti decet, excipias, neque operis exiguitate mouearis: nam licet moles exigua sit, magna tamen in eo continentur. Quod si quædâ occurrent, quæ tuo palato nō arrideant, ea tanquā prudens omittito, & illud cogitato me tibi soli non scribere, totq; esse opiniones quot sunt homines: namq; fieri poterit, vt quæ tibi ingrata erunt, alij probent. Id si effeceris, curabo vt aliū maiorē librū in mediū proferam, reliquas herbas, stirpes, fructus, aues, animaliaque cum terrestria tum aquatica, quæ in illis prouinciis, tum etiam in Perside & Chinârū regione inueniūtur, hæcenus ad viuum non expressa, & de quibus parum admodum scriptū est, cōplectentē: alia item obseruatione digna, quæ tibi forsītā magis arridebunt.

F I N E M itaq; faciam, in omnibus doctorum virorū & candidi lectoris censuræ me subiiciens, qui ea duntaxat quæ norunt, aut quæ decet reprehēdere solent. Eos verò qui inuidiæ stimulis agitati contrarium facient, obsecro, vt sumptō calamo primū aliquid scribant quod in lucem proferant: tum demum enim intelligent, quanto facilius sit carpere, quàm bene scribere quod omnium oculis exponendum est. V A L E.

CHRI-



# CHRISTOPHORI

A C O S T A

Aromatum liber.

DE ALOE.



**F**OLIORVM Aloës vsus familiaris admodum est ad aluum purgandam in prouincia Malabar; exhibenturq; sine metu non modò pueris, sed etiam grauidis mulieribus in hunc modum:

Foliorum Aloës vsus.

Malabar prouincia.

**F**OLIORVM vncias tres in frustra secant; & additis duabus drachmis crassioris salis, lento mitiq; igne coquantur donec feruere incipiant, colantur, colaturæ additur sacchari vncia vna, totaq; nocte sub dio relinquitur; postridie manè circiter sextam propinant frigidam istam aquam ei quem purgare volunt, somnoq; abstinere iubent, deambulationem verò per cubiculum permittunt, vt celerius medicamentum operetur: tribus deinde horis ab aqua hausta, quatuor vncias iusculi gallinacei cum aliquot granis Mastice exhibent: post horam edit & bibit vinum dilutum. Porro augetur vel minuitur dosis foliorum & colaturæ pro eorum qui id medicamentum sumpturi sunt natura & viribus: neq; minus familiaris est hæc purgandi ratio (præsertim delicatulis) quàm Manna aut Cannæ fistula recens pulpa; & quod magis mirum est, reliqua officinarum medicamenta præ isto respuunt.

Foliorum Aloës confectio ac dosis.

Et eâ sumendi ratio.

**C**ETERVM eodem ordine, quo nos in Europa, Indici Medici purgantia medicamenta exhibere solent, siue solidioris, siue liquidioris sint substantiæ, videlicet ipsa auro-  
ra, &



4. Primi.

Que possunt  
id medica-  
mentum e-  
tiam iuuare.

*ra. & deinde quinq; horis ab esu, potu, & somno abstinent. Quo tempore si non purgabitur eger, ex Auicennæ præcepto Mastiches drachmas duas stillatitia rosarum aqua dissolutas ad roborandum ventriculum dant, aluumq; inungunt bubulo felle, lineosq; pannos felle madentes ventri imponunt, ad proritandam expultricem facultatem, si necesse sit. Si verò bene purgabitur, post quinque illas horas à sumpto medicamento, tres vncias iusculi gallinacei tepidi exhibent, præterea nihil; deinde vt aliquantulum dormiat permittunt, & paululum aque rosaceæ bibat: etenim à somno subsequi solet commoda purgatio, atque plurimum roborari asserunt facultates naturales, iusculo illo, somno, & aqua rosacea. Nam si liberalior permetteretur pastus, naturalis facultas in eo concoquendo occuparetur, tardioresq; purgationem moliretur.*

*HIC est vsitatio medicandi modus inter eruditiores Medicos earum Prouinciæ, qui rationi maximè consentaneus est: etenim fel foris adhibitum solutiuum est, irritando expultricem facultatem. Carnium verò esus non concessus fulcitur auctoritate Auicennæ.*

223. tract.  
2. cap. 23.

## DE OPIO.

Opij vsus,  
vbi & cuius  
rei commo-  
dus.

*VULGATISSIMVS est apud Aphricanos & Asiaticos Opij vsus: & eius esui ita assueuerunt, vt etiam abstinere eo nequeant sine manifesto vitæ discrimine. Id ipsa experientia comperi dum Indico mari in Lusitaniam redirem. Etenim eadē naui vehebantur captiui Turcus quidam natus in Aden, & alij quidam cum Turci, tum Persæ & Arabes, qui clam aliquantulum Opij secum detulerant, quo propter penuriam veluti medicamento vsi erant. Eo absumpto, Turcus ille Adensis ad me, Heus tu, inquit, quandoquidem curandorum ægrorum in hac naui prouincia tibi data est, certò scias, nisi mihi & meis sodalibus Opium præbueris,*



præbueris, biduū nos non superuicturos. Cū verò negarem Opium me habere, respondit: Illud ergo esto vnicū remedium, quo nos, qui Opij esui assueuimus, liberari queamus, si singulis diebus manē vnicuique puri vini haustum propines, licet nobis admodum arduum sit & tædiosum, quòd nostræ legi aduersetur: sed quoniam nostrā salus ex eo dependeat, necessariò ferendum est. Ex illius itaque præscripto vinum omnibus dedi, liberatiq; sunt, & intra mensis spaciū, vinum amplius gustare noluerūt, nec illis obsuit Opij defectus, cuius vsus iam in desuetudinem abierat: imò cū illis deinde & vinum & etiam Opium dare vellem, neutrum cupuerunt.

## DE LACCA.

LACCAM verò in puluerem redigere solent eius regionis incolæ, deinde colliquare admiscereq; quem cupiunt colorem, rubrum, viridem, nigrum, luteūmve; postea vel in bacillos tenuēs conformant, quales sunt qui in Hispanias adferuntur ad obsignandas literas, vel in maiores & crassiores, ad vsus mechanicos. Nam qui torno lecticas, sedes, vel alia quæuis ex ligno cōficiunt, si colore inficere cupiunt, solent ea in torno versare, crassioresq; bacillos Lacce admo-  
uere, quā celeri illo motu liquecente ligna elegantē Lacce colorem recipiunt multis annis durabilem.

Lacce conficiendæ ratio.

Et eius utilitas.

AVRI fabri autem & argenti fabri vasa sua vacua (vt firmitiora, elegantioraq; reddant) Lacce puluere implere solent, eaq; deinde igni admo-  
uere vt Lacca lique scat, postremò refrigerari sponte sinunt, vel aquæ immergunt.

CETERVM adulteratur interdum resina & cera: sed adulteriū facildè deprehenditur ex odore & mollitie si frangatur aut vratur.

Quomodo adulteretur.

PORRO Laccam non esse Dioscoridis Caucamum, vt Serapio arbitratur, Amatus Lusitanus Commentariis in  
primum

Lacca nō est Dioscoridis Caucamum



primum librum Diosc. enarrat. 23. probè annotauit, vbi duo Lacce genera describit his verbis.

Caucamum  
à Lacca di-  
gnoscendi  
ratio.

Dialacca.

Lacca artifi-  
cialis

Et eius vsus.

QVICVMQVE Caucamum Laccam esse putarunt, mirè errareprehenduntur: cùm Caucamũ gummi odoriferũ sit, Lacca verò siue commansa, siue suffimentis expetita inodora percipiatur: quàm hodie Lusitani ex India adferũt rubram, translucidam, tincturis præcipuè deseruientem ( & ex ea Officina compositionem quandam præparant, Dialaccam appellatam ) quæ vt cerò scimus, non gummi, aut arboris plantæve alicuius gutta est, sed potius formicarum alatarum stercus fauagõe, velut cera apum, &c. Et paulò post:

EST verò alia Lacca artificialis, quam insectores pannorum vendunt, quæ ex face Brasilijs, Verzinij dictæ & cocci resultat: quam pictores pro consciendo colore rubro obscuro maximè vtuntur. Hæc verò Serapio ineptè admodum cum prima confundit Lacca: vnde hodie multi impudentissimo errore, Serapionis auctoritate seducti, eam in compositione Dialaccæ miscant.

#### DE CAPHURA.

Tabellæ ex  
Caphuræ li-  
gno confe-  
ctæ.

Caphura de  
Burneo præ-  
ciosior Chi-  
nensi.  
Cate.  
Bar.

HABVI tenues admodum fritilli tabellas, cum pyxide qua adseruabantur, ex Caphura ligno confectas, vti ex odore facile deprehendi poterat: nunquam tamen Camphoram exsudabant, at si manibus tractarentur, solummodo Camphoræ odor in eis maior spirabat.

PORRO Caphura de Burneo cùm multò pluris æstimetur, præstantiorq; sit Chinensi; per Cates ( est verò Cate pōderis genus viginti vncias pendens ) veditur, Chinensis autem per Bares, est q; Bar pondus circiter sexies cētenas libras pendens. Valet etenim eius quæ ex Burneo aduehitur libra vna, quantum Chinensis centena libra.

CVM itaque illius tam vile sit pretium, planè explo-  
Rex China- denda eorum est opinio, qui illam à Rege Chinarum adul-  
terari



terari arbitrantur, quandoquidem vnus sit ex potentissimis totius orbis Regibus: de quo eiusq<sup>3</sup> prouinciis si quis sermonem instituere cuperet, magnum volumen conscribat oporteret. Nam si Regni amplitudinem, incolarum frequentiam, politie & gubernationis excellentiam, & diuitias spectes; nullum aliud in vniuerso orbe est Imperium quod cum Chinenſi comparari poſſit. Et haud ſcio an quiſpiam tam confidentis ſit ingenij, vt eorum qua iſtic excellentia, & perpetua memoria digna ſunt, hſtoriam conſcribere adgredi audeat, cum omnia longè ſamam relationemq<sup>3</sup> omnem ſuperent. Si quis tamen partem infinitatis eorum qua in China obſeruāda ſunt, ſcire cupit; legat librum quem de ea conſcripſit Reuerendus pater Gaſpar de Cruce Domini-  
cani ordinis monachus.

rum poten-  
tiſſimus.

Et regni pre-  
ſtantia.

Gaſpar de  
Cruce Chi-  
nenſis hiſto-  
ria auctor.

VT verò è multis mercibus qua ex Chinarum regione aduehuntur paucaſ perſtringam, ſunt argentea vaſa diuerſi generis ſumma arte & diligentia elaborata, omnis præterea domeſtica ſupellex, vt lectica, ſpōda ſeu lectuli ad recumbendum ex argento ſculpto & diligenter elaborato: maxima quantitas ſericei ſili, ſericeorumq<sup>3</sup> pannorum, plurimum aurum, moſchus, vniones, argentum viuum, æs, minium, murrhina vaſa plurima, quorum nōnulla duplo æſtimantur argenti pondere, & pleraque alia cum ad humanos uſus neceſſaria, tum ad luxum & ornatum. Ego ſanè inde habui binas thecas ex ſolido argento cum omnibus inſtrumētis chirurgicis maioribus & minoribus, vt ſunt cauteria, ſpecilla, malleoli, & c. ex argēto conſecta & exornata ſummo artiſicio, vt nullus argēti faber non miraretur.

Merces qua  
ex Chinarū  
regione ad-  
uehuntur.

## DE MANNA.

PRÆTER ea Manna genera qua à doctiſſimo ab Orta deſcripta ſunt, aliud in Ormus venale conſpicitur, quod in varias India prouincias deſertur, quòdque glebis paulò Mannæ ge-  
nus in Or-  
mus venale.  
Et eius fa-  
cultates.



paulò maioribus constat quàm Calabrina, neque ita candi-  
cat; id valèter purgat, & quoniam magis solutiuum est re-  
liquis generibus, minorisq; est pretij, vulgus præfert, eoque  
plurimum vitur. Diligentissimè autem ab humiditate con-  
seruari debet, alioqui facile corrumpitur. Compositum au-  
tem esse medicamentum, sic deprehendi.

Eius conser-  
uandi ratio.

Cochin ci-  
uitas.

MVLTVM eo vtebatur Medicus quidam Brachma-  
nes meus familiaris, degens in ciuitate Cochin, atque sum-  
mè à bonitate commendabat, negans pretij vilitatem im-  
minuere eius præstantiam; viloris idè pretij aestimari, quo-  
niam maior quàm reliquorum generum illius inueniretur  
quantitas: Cùm verò compositum aliquid mihi videretur,  
susplicari cœpi eum id in suis adibus conficere: semel enim  
resciueram omnino Manna eum carere, paulò verò antè  
mihi dixerat ex Ormus ad ipsum aduehi, paucis tamen in-  
teriectis diebus maximam illius recentis mihi ostenderat  
quantitatē, cùm & hyems esset, nullaq; naues vltro citroq;  
nauigarent. Tandem bonus Brachmanes ( accepta à me si-  
lenti fide, quòd in illis saltem prouinciis eum minimè prodi-  
turus essem) fassus est à se componi ea quam in Persia ob-  
seruaret, ratione, videlicet, Amylum candidum & purissi-  
mum, Mannam cuiuscumque generis, sed præsertim que  
Calabrinam æmulatur, Scammoneam & seminis genus Vi-  
sa dictum, quod ex Bengala aduehitur, quòdque Lathridis  
grano simile est, (inieto interdum polline radicis cuiusdam  
cādida lacticinæ, cui nomē Dante,) cū Saccharo, pauxillaq;  
aliqua odorata aqua permiscebat, soli q; exponebat.

Eius manna  
compositio.

Dante.

Manna a-  
dulteratur.

MANNA autem adulterari nihil mirum, quando-  
quidem & lapides Bezahares tanto artificio in Ormus &  
in vrbe Cochin prouinciæ Malabar, vbi Rex degit, adulte-  
rantur, vt legitimi appareant, fallantq; etiam maximè ex-  
pertos in iis dignoscendis, prima superficie, qua nisi franga-  
tur, vix à legitimis discerni queant.



## DE TABAXIR.

INVENIUNTUR interdum hæc arbores siue arundines vocatæ Mambu in quibus nascitur Tabaxir, tanta amplitudinis & crassitiei ut ex ea cymbas faciant, quæ binos viros capere possint, non quidem eas excavantes, sed relictis solum duobus internodiis excidentes; Conscendere verò solent similes cymbas bini Indi, iug<sup>3</sup> nudi (nam nudos incedere in iis regionibus moris est) sedereq<sup>3</sup> singuli in eius extremitatibus, iunctis cruribus, tenentésq<sup>3</sup> singulis manibus remos trium aut quatuor palmorum longitudinis, quibus eas cymbas impellunt tanta dexteritate, ut etiam aduerso rapidoq<sup>3</sup> flumine summa celeritate nauigare possint, quemadmodum meis oculis conspexi in flumine Cranganor, in quo plurimus est vsus cymbarum ex hac arundine confectarum, quoniam qui eis vehuntur securiores sese existimant à Crocodilis, quos illi Caymanes vocant, magno numero in eo flumine versari solitis. Nam cum ij ferocissimi sint, sæpenumero in naues maiusculas & minusculas impetum facere solent, ut eos qui illis vehuntur apprehendant: Si enim aut in flumine aut in littore hominem, bouem, bubalum, aprum, porcum, aut quodcumque tandem aliud animal comprehendere possint, illico deuorant. Indigenæ autem affirmant nunquam compertum esse, ut eos qui cymbis ex Mambu confectis vehuntur appetant, sed sæpenumerò conspectos esse natantes proximè illas, attamen eas præterire sine noxa.

Tabaxir historia.

Mambu.

Eius utilitas.

Cranganor flumen.

Crocodili.

Caymanes.

## DE ELEPHANTE.

MINISTERIVM præstant Elephantini non modò in conuehendis oneribus & bellicis tormentis è loco in locum cõmutandis, sed etiã in muniis aliis domesticis. Promuscide verò (qua veluti manu vtuntur) onera crasso firmoq<sup>3</sup> fune colligare solent: funem verò ore apprehendentes, eum sannis

Elephantum ministerium &amp; historia.

B

seu



seu dentibus quos exertos habet, quoties opus est circumuoluunt, deinde onera sublimia in aëre ferunt, aut trahunt, si nimium graua sint, tanta dexteritate & attentione, (praesertim si in contineantur res fragiles, & quae effundi possint) ut huiusmodi res requirunt: nec, cum semeliter confecerunt, via demonstratore amplius opus habent, tanta sunt memoria pradii.

PLINIVS lib. 1. multis locis plurima de Elephantis memoratu digna refert: at nos nonnulla hic describemus magis fide digna.

Elephantes  
se mutuo  
intelligunt.  
Aliquando  
loquuntur.

VULGARIS opinio est in prouincia Malabar Elephantos mutuo se intelligere. Loquuntur autem aliquando in vrbe Cochin (quae illius prouinciae nobilis ciuitas est) publico testimonio constat hoc modo.

ELEPHAS quidam in littore maris vrbi vicino laborare solitus, iamq; laboribus fessus, domum redire properabat, ut quiesceret: Praefectus vero illius vrbis orabat illum ut in labore pergeret, atque liburnicam quam iam commouere inceperat, in mare traduceret: renuentem Elephantum Praefectus denuo compellare, blandisq; verbis demulcere cepit, id in suam gratiam faceret, ita enim decere, quandoquidem in seruitium esset Christianissimi Regis Lusitaniae: Elephantis haec duo verba proferens, hoo hoo (quae lingua Malabarica, vulgari & vsitata in ea prouincia e qua Elephas oriundus erat, significant, volo volo,) ad liburnicam rediit, eamq; in mare impulit.

IDEM cum ipsius rector hora constituta cibum illi non praeberet, de mora conquestus est: rector vero id accidisse aiebat, quod lebes in quo cibum illi coquere solebat, pertusus esset, proinde eum ad Cacabarium deferret resarciendum: fert eum elephas: cacabarius negligentius reparat: rector elephantum obiurgat, eumq; contumeliosis verbis afficit, atque ad cacabarium cum lebeate remittit ut diligentius resarciat:



ciat: is verò de industria lebetem reparare simulans, rimam auget & elephanto reddit; qui lebetem promuscide sumens ad flumē defert & aqua implet, quam dum effluere conspiciat, magis pertusum esse lebetem intelligit, & ante cacabarij ades refert magno barritu innotans: concurrunt Regionum negotiorum Præfectus & alij multi: cacabarius blandis verbis veniam ab elephanto petens lebetem probè reparat, eiq; restituit: ille verò minimè ei fidens, in omnium conspectu ad flumen redit, aquamq; haurit; quam dum videt non effluere, lebetem ostendens adstantibus, quasi eos rei geste testes esse cuperet, ad rectorem suum refert.

NATVRA gratus est, beneficiorūq; memor, nec cuiquam nocet nisi iniuria affectus, aut dum certo morbo corripitur quo veluti in furias agitur, quod singulis annis fieri solet: tum enim nemini parcut elephanti sed obuiū quemque proterunt.

Elephantū  
beneficiorū  
memores.

Elephanto-  
rū morbus.

ACCIDIT in vrbe Goa, in qua legati Regis Lusitaniae Goavrb. quiregiam potestatem obtinent degere solent, vt vnus ex elephātis qui istic ad Regis seruitia alūtur huiusmodi morbo corréptus, vincula & catenas (nam solent ferreis catenis cōstringi & loco quodam concludi donec morbo liberentur) disrumperet, & per vrbem vagaretur; sagientibus verò omnibus, mancipium quoddam in vlnis filiolum gestans in platea obuiam habuit, quod conspecto elephanto exterritum ad suas ades celeri cursu cōfugit, quas vt aperiret filiolum humi ante ianuā exponit, moxq; ades ingressum ianuā occludit, præ metu filioli oblitum: elephas puerū conspiciens, promuscide leniter subleuans, in proximum humile tectum, quod è regione istarum aditū erat, collocat, atque aspiciat puer istic sine dāno cōsistere queat, deinde furibundus vltius progreditur: beneficij memorē, tametsi furēs, sese ostendit hic elephas, qui puerum non necauit, sed agnouerit filiū eius mulieris esse quæ eas ades in habitabat, quæq; illi &

aliis domesticis elephantis quotiescumque istac transirent, panem aut fructus dare solita erat: nam huiusmodi cibos & alia edulia ante suas ades venalia exponebat.

**ALIUD** gratitudinis exemplum referam. In eiusdem urbis foro vagabatur huiusmodi furus correptus elephas: vir quidam ager effugere cupiens pronus cadit; elephas minime ei nocens promuscide comprehendit, & in scamno quodam deponit. Aiebat hic vir, eodē loco, illi ipsi elephantō, antequam in morbum incideret, magnū quendam fructum Iaca fructus. Iaca incolis appellatum (de quo nos inferius) sua manu prae- buisse.

**APUD** urbem Cochīn elephas quidam huiusmodi furis agitatus in lacuna quadam hārebat, ad quam cum forte accessissent inopinanter nonnulli pueri, Elephantē conspecto omnes diffugerunt prater unum qui istic perstitit: eum accedit Elephas adblandiens quodammodo, & promuscide demulcens, leniter eum corripit, suoq; dorso imponit, & per lacunam expatiatur, deinde illum reponit quo apprehenderat loco veluti latibundus. Cum ea quae ipsi accidissent puer narraret, multi viri eum comitati sunt: sed procul à lacuna remanentes, arbores conscenderunt, ut è tuto spectarent quid ageretur. Puerum propius accedentem elephas velut antè corripit dorsoq; imponit, & expatiatur. Id saepius à puero est repetitum, donec blandis verbis (quemadmodum edoctus fuerat) elephantum denuò mansuetum redderet, & in urbem pelliceret.

**ANTE** verò quàm huiusmodi aegritudine & amoris furore corripiantur Elephantī, eos sui rectores in agros deducere, atque istic validis firmisq; catenis ferreis constringere solent: furoris enim indicium agnoscūt ex quadā oleosa materia, quae ex illorum auribus effluit. Medicantur autem huic aegritudini ipsorum rectores, graviter illos obiurgando, & rationibus demonstrando (probe etenim audiunt & in-

Morbi siue  
furoris indi-  
cium & re-  
medium.



& intelligunt) vilis & degeneris esse animi ob amorem ita in furias agi: deinde certa quedam medicamenta illic vsitata adhibent. Maxima eorum castigatio est, grauibz verbis illos obiurgare; tametsi interdum anteriores pedes subleuare eos iubeant, plantaſq; cum hamulis feriant, dicentes sese eos vti pueros castigare ob stultitiam.

GLORIAE auidi sunt elephāti, cuius causa interdum Gloria aul-  
di. mira facinora prestare conspiciuntur. Nonne in littore vrbi Goa vicino quidam crepuit medius dum solus magnum aeneum tormentum bellicum subleuare cupit? quoniam ipsius rector grauibz verbis obiurgasset & contumelia affecisset, ostendens illi duos iuniores elephantos aduentantes illius aenei tormenti tollendi gratia?

CETERVM vti beneficiorum sunt memores, & gloria Vindicta cupi-  
di. auidi, non minus vindictæ cupidi esse. deprehenduntur; quemadmodū ea quæ in vrbe Cochīn acciderunt documento esse queunt.

MILES quidam Cocci siue Indicae nucis putamiue domesticum elephantum petiit, eumq; in fronte attigit: elephantus putamen colligit, & cum eo tempore iniuriam vlcisci minimè posset, in os recondit, donec elapsis aliquot diebus militem in platea quadam deambulātem conspiceret, tum demum promuscide nucis putamen ore exiit, atque militi vicinior factus, in ipsum cōiicit, deinde abit, veluti letus quod iniuriam sibi illatam vltus esset.

ALIVS quidam miles in eadem vrbe Elephanto suum rectorē iniuria affecisse visus est, quod ei in via minimè cedere voluisset: eam iniuriam vlcisci cupiētem rector retuit. Post aliquot dies ministeria quadam in littore Mangate Mangateflu. fluminis (quod urbem Cochīn alluit) absente suae rectorē obiens, militem cum aliis quibusdam sermones conferentem conspicit, promuscide eum corripit; nec eorum, qui ipsum rogabant vt militem dimitteret, voces moratus, aliquoties

flumine merfit, subinde eum in altum subleuans & aquam qua madebat defluere sinens: deinde cum iniuriam suo rectori illatam probè ultus sibi visus esset, militem quo comprehenderat loco denuo in pedes sistit.

LONGE plures similes historias veras hic recensere possem, quas breuitatis causa pratero. Quibus vero ista non sufficiunt, legant quæ Aristoteles, Plinius, Aelianus, Oppianus, & alij plerique Auctores de Elephantis scripserunt.

### DE CANELLA.

Canella historia.

CANELLA arbor mali aurea amplitudine est, nonnunquam maior, interdum minor, ramosa admodum, cuius teneriores rami recti sunt: folium Laurino simile, latius tamen, colore dilutius, & minus siccum, tribus nervis insignitum: flos candidus, odoris propemodum expers: fructus siluestris olea baccis par, virescens initio, deinde rufescens, & ubi plenam maturitatem consequutus est, niger atque splendens (quo tempore colligi debet) osciculum intus continens siluestribus omnis simile, similique carne preditus, ex qua extillat oleaginosus quidam liquor. subvirescens, odore baccarum lauri, sapore acri cum pauxillo amarore coniuncto: preditus vero est hic fructus sessili parte paruo calyce, leuiore minusque crispo quam sint ilicis calyces. Harum arborum magna est frequentia in siluis prouincie Malabar: sed præstantia & odore longe sunt inferiores iis quæ in Zeylan insula nascuntur.

Canella liquor.

STYLLATIVS Canella liquor vitreis aut plūbeis organis extractus is præfertur, qui e viridi cortice, præsertim radicem, minutim inciso eductus est: etenim non modo cor roborat & stomachi imbecillitatem, colicæ dolores ex frigida causa prouenientes lenit: sed urinam cit, & oris anhelitum commendat: utilis est præterea iecoris, splenis, cerebri & nervorum egritudinibus, atque in syncope cardiacisq; affecti-

Et eius facultates.



affectibus confert: venenis resistit & virulentorum animalium moribus; menses mouet, & vteri affectibus prodest, vomitiones cohibet, & appetentiam excitat: valet item ad spasmos, & comitiales morbos: atque vt summam dicam, aperit, incidit, digerit, calefacit & corroborat.

ELICITVR etiam liquor ex Canelle floribus, sed longè minore quantitate, minùsque præstans superiore.

## DE SANTALO.

ODORATI illius ligni genus in Malabar natũ Santalo albo persimile quo se in febribus indigena iungunt, & Sambarane appellant, non est Santalum, neque eius facultates obtinet: Medici tamen eius provincie Santali speciem esse, & cõferre tenuioris fortune hominibus asserunt, commendantq; in Erysipellate, & inflammationibus: atque Santali rubri modo eo vtuntur.

Sambarane.  
Santali species.  
Ad erysipelas & inflammationes  
utilis.

\* Flauī Santali selectissimi librale fragmentum, mihi liberali munere dedit noster Hugo Morganus Londinēsis Pharmacopola peritissimus 1581. Est verò id graue, solidum, nodosum, colore intus flauum, odore suauī cerebrum reficiens, & grato sapore palatum leniens,

Flauī Santali  
fragmentum.

## DE BETELE.

BETELE planta Piperis stirpi aded similis est sarmentis, foliis, & nascendi modo, vt quando simul sunt sate, vix è longinquo dignosci queant ab his qui plantarum istarum minus sunt periti: scãdit enim & amplectitur arbores iuxta quas sita est, Piperis modo: eius verò folium Piperis folio crassius est quidẽ, at magnitudine & neruis siue fibris prorsus simile.

Betele historia.

## DE MACI.

FIT in insula Banda ex Maci oleum admodũ commendatum

Bãda insula.  
Oleum ex

Maci & eius  
utilitas.

Ex nuce  
moschatali-  
quor & vi-  
res.

Varia no-  
menclatura.

Macis à Gre-  
corum Ma-  
cere diffe-  
rentia.

datum in neruorum affectibus & aliis frigidis morbis.

ELICITVR & ex nuce moschata trita, calefacta, & prælo expressa liquor admodum suavis & utilis in neruorum frigidis affectibus: thoracem etiam & pulmonem lenit, inde clariorem vocem reddit, impinguat & sperma auget.

ARABES nucem ipsam Iausiband, & Seygar appellant: Macim verò Bisbele, & Besbaca, quod vocabulum propriè nucis corticem significat. Persæ arborem Drach nuncupant, Turcæ Agache: Macis autem oleum Arabibus Geusifami, Persis Geuzi erugant, Turcis Geuziat dicitur.

PORRO hunc Macim à Græcorum Macere plurimum differre minimè dubium est, si vtriusque historiam & facultates expendamus. De Macere autem proximo capite sumus acturi.

\* Vidi aliquando Vlyssipponæ oleum de Maci ex India magnis fictilibus delatum, quod magno æstimabant, atque in ventriculi frigidis morbis plurimum commendabant. Id verò erat inspissatum & saponis gallici ferè modo in tabellas vnciam propemodum densas, tres verò latas, totidemque aut amplius longas efformatum, pingues, subflauas, odoratas. Vidi etiam hoc anno 1581. Londini apud M. Hugonem Morganum Pharmacopœum eruditum, & diligentissimum, eundemque virum perhumatum & optimum, eiusmodi oleum recens ex India delatum, cuius aliquot panes siue tabellas, oleum balsami è nouo orbe, oleum de liquido Ambar, aliæque rariora quædam simplicia ipsius liberalitate cōsequutus sum.

## DE MACERE.

Maceris hi-  
storia.  
Insula S.  
Crucis.

NASCITVR quibusdam Orientalibus insulis, præsertim verò in prouincia Malabar, in insula S. Crucis regni Cochinetum in ripis fluminis Mangate & apud Cranganor vasta quedam, & multis ramis prædita arbor Vlmæ multò maior, cuius folia in longitudinem sex aut septem vncias longa sunt, duas lata, exteriori parte dilutius virentia interiori saturata: Ea non alium florem, non alium fructum



Atum habere creditur præter semen quoddam denarij magnitudine, tenue, cordis effigie, colore flauo, sapore verò amygdale, aut nuclei persicorum malorum, tenui & candidi tunica tectum, quod vesica quadā extenuissimis duabus simul iunctis & transparentibus membranis constante includitur: ea autem vesica in medio folio nascitur alius magnitudine non dissimili, sed cuspide obtusiore, & circa pediculum angustiore, colore medio inter rubrum & fuluum, inequali, & multis fibris à pediculo ad extremitatem recta linea ductis, crasso & rugoso, haud absimilis illi quæ in Vlmo nascitur, paulo tamen latior & planior.

**Succo** lacteo prædita est hæc arbor vti Morus, radicesque habet ilici persimiles, magnas, crassas, in latum & profundum diffusas & cortice tectas crasso, aspero, scabro, duroque, cinereo foris colore, interius albo & lacteo succo prægnante dum recens est flauescente autem dum sicca est, & admodum adstringente: & licet succus ille cum adstrictione nonnihil mordicet; breui tamen euanescit hæc veluti insensibilis mordicatio. Arenosa & humida loca amat, & reliquas ferè plantas circumnascens enecat.

**Nomen** vulgare huius arboris apud Lusitanos est Arbore de las camaras, & Arbore sancto, hoc est, Arbor dysenterie, & Arbor sancta: ab indigenis Christianis Arbo- Nomenclatura varia.  
re de sancto Thome, id est arbor D. Thomæ, & Macruyre: à Medicis Brachmenis Macre, apud quos summo in precio est arboris cortex.

**Radici**s cortice recenti trito, & cum oxygala seu lacte acido mixto omnis generis dysenterias & alui profluvia mirabili successu curant omnes Medici cum Brachmenes tum Canarini & Malabarici. Aliqui huius corticis sicci & in puluerem reducti semunciam per noctem macerant in quatuor vnciis seri lactis, cumque bis in die propinant manè & vespèri, deinde medicamento sumpto orizim sine sale &

Radici's cortex ad dysenterias & profluvia efficac.

B s butyro

butyro coctam, atque pullos gallinaceos coctos, maceratos & tritos in oriza decoctione statim agro exhibent: interdum si necessitas urgeat, opium admiscunt roborandi medicamenti causa: solent verò etiam Arabes cuiuscunque generis alui profluvia opio nuce moschata admixta curare.

Ad vomitus  
compescen-  
dos.

H V I V S item radicis vsus salutaris creditur ad vomitus compescendos, & ventriculum roborandum cum aqua Menthe & mastices puluere.

Ciuitas S.  
Crucis.

Macre.

ROGATVS Brachmenes quidam medicus mihi familiaris, virq; probus, boni iudicii & magnæ existimationis apud omnes ciuitatis S. Crucis regni Cochín incolas cum gentiles tum Lusitanos, quòd illius fideli opera sæpius vsi essent, vt bona fide exponeret istius corticis quem Macre vocant facultates, in hæc verba respondit: Si vos Lusitani hunc corticem probè nossetis, multò pluri illum faceretis quam Piper: Sed quoniam istic in Lusitania eius facultates ignoratis, idcirco contemnitis. Puluis quem in omni generis alui profluvio ex oxygala propinare soleo, ex hoc cortice de quo percontaris cõstatum est. Eius magnã quantitatem tibi ostendere domi possem, quam in Bengala & Iapan sum missurus. Sitne vero inutile medicamentum, tu ipse qui illius effectus plerumque conspexisti, iudicare potes.

Ioque.

H V N C corticem etiã ostendi rhizotomo cuidã Ioque (genus quoddam hominum est circumforaneorum qui peregrinãdo pœnitentiã agere sese profitentur in illis regionibus) petiũque vt quid esset (tamen si probè nossem) significaret: respondit ille, eum sequeretur, cuius arboris cortex esset se demonstraturum, ostenditque arborem quam antè sciueram & addidit, Apud nostros homines appellatur Cura santea macré nistula garul, hoc est, Macre ab Angelis ostensum hominibus ad ipsorum salutem. Subiunxit insuper istius corticis apud ipsos vsu esse in compescendis vomitibus, aluiq; profluvii sistendis, plũsque pollere huius radicis portunculam



culam, quàm magnam quantitatem corticis Myrobalanorum aut Arece, eamque præstantiorem esse Coru Malabarico de quo proximè dicemus. Referebat præterea Macer fructum omnis generis lumbricos in humano corpore natos necare & expellere, & calculum in renibus frangere: tum etiam eos qui singulis diebus manè eo vterentur, liberos fore à calculo & à coli doloribus, nec inebriari posse.

MAGNA disceptatio est inter Neotericos an Græci Macin & Arabes Macerem nouerint. Negari non potest quin multo plura medicamenta nunc nouerimus quàm veteres: inficiari etiam non possumus, pleraque illis cognita fuisse, de quibus dubitamus. Nam certissimum est, Græcis probè notum fuisse Macer de quo dubitamus, & quod plerique adhuc ignorant: nesciuisse autem Macin & nucem moschatā nobis adprimè nota, ut ex eorum scriptis constat.

GALENVS simplicium lib. septimo Macerē aduehi ait ex India, constare essentia pleraque frigida & terrestri, paucula verò frigida: conferre sua adstrictione aduersus dysenterias & cruentas excreationes.

Vnde Macer  
aduehitur  
Galeno.

DIOSCORIDES verò lib. 1. cap. 94. Macer qui ex Barbaria aduehitur, est cortex flauescens, crassus, & gustu perquam adstringens, qui contra cruentas excreationes bibitur, dysenterias & alui fluxiones.

Vnde Macer  
aduehitur  
Dioscoridi.

QUÆ facultates inueniuntur in cortice iam descriptæ arboris, non in Maci odorato nucis moschatæ operculo, quod calidum siccumq; est in fine secundi gradus, aut initio tertij, tenuiūque partium & leuissimi amaroris, pauculaq; adstrictionis particeps: itaque certum est vitrumque loqui de cortice nostræ arboris, non de Maci quod illis ignotum fuit.

ADMQVIT me præterea medicus quidam Regis Cochini, ne dubitarem quin hic cortex Auicennæ Macer esset: magnaq; inscitia esse de re tam aperta disceptare: huius etc.

Hic cortex  
Auicennæ  
Macer.

ius etenim Macre facultates, eis, quas suo maceri veteres tribuunt, persimiles, facile id demonstrare.

PLINIVS etiam lib. 12. cap. 8. Macer, inquit, ex India aduehitur, cortex rubeus radicis magna, nomine arboris sue.

De locis nata-  
libus Maceris  
ris Diosc. &  
Galenii dif-  
ceptantium  
conciliatio.

MINIME verò nos mouere debet quòd Dioscorides ex Barbaria Macerem aduehi asserat, quem Plinius & Galenus ex India deferri scribunt: idem enim illis accidisse potest in hoc medicamento, quod in Cinnamomo & Cassia, ut (quoniam ex peregrinis & longinquis regionibus ad eos adueherentur) eorum natales non fuerint probè cogniti.

Indus flu.

In eo insula  
vel vrbs Bar-  
baria nomi-  
nata.

AIT tamen Ptolemeus: Quedam in Indo fluuiò insula vel vrbs sita est, quæ Barbaria dicitur, ex qua facile cõportabatur Macer: vel quòd afferretur ex Arabia eo maris sinu qui à Barbaria insula Barbaricus appellatur. Cui suffragatur Strabo, Omnia, inquit, quæ in India proueniunt, ea scilicet parte, quæ ad Austrum vergit, similiter in Arabia nascuntur.

Macis & Ma-  
ceris differ-  
entia.

MACIS & Maceris differentia Auicenna probè fuit cognita, quippe qui Macim odorata nucis inuolucrum cap. 456. & Macerem radicis corticem cap. 694. sub titulo Talisfar descripsit.

NON ignota etiam fuit Serapioni, qui ex auctoritate Isach, Macim esse nucis odorata operimentum dixit, diuersum ab eo cuius Dioscorides meminit, quippe qui scriptum reliquerit, Macerem esse ligni corticem siue corium.

Qui inter se  
differant.

LIQVET itaque Macim & Macerem differre inter se qualitate, substantia, figura, planta & regione, quandoquidem Macer radicem arboris cortex in Malabar nascitur: Macis verò nucis Moschata operimentum, in Banda, longissimè inter se distitis. Tametsi Monachi qui in Mesuen cõmentarios scripserunt, asserant non differre, suam negligentiam ista ratione prodentes.



VULGARIS admodum huius corticis Maceris est. Corticis Ma-  
 vsus in omnibus nosocomiis prouinciarũ China, Iapan, Ma- ceris vtilitas,  
 laca & Bengala, in dysenterijs, alui profluuijs, & sangui-  
 nis reiectionibus, cuius causa ex Malabar vsque petunt.

## DE CORV.

IIISDEM locis, præter memoratam arborem, nascun-  
 tur due aliæ arbores plurimum inter se differentes, sed quæ  
 iisdem facultatibus cum superiore sint præditæ.

HARVM prior (de qua hoc capite agemus) vocatur in Coru varia  
 Malabar Curodapala, & Curo; in Canarin Coru: à nomēclatu-  
 Brachmenis Cura. ra.

EST verò hæc arbor pumila malo aurea similis, cui Eius historia  
 etiam persimilia habet folia, sed quæ mediũ neruum cras-  
 siorem habeat, alijs octo aut nouem in latera excurrentibus:  
 flos luteus est, odoris ferè expers: radicis cortex diluto viro-  
 re præditus est leuis & tenuis, qui si frangatur aut vulne-  
 retur, multo lacteo succo manat, lentiore & magis viscido  
 quàm qui ex superiore fluit, gustu insipido, amaritudinis ta-  
 men alicuius particeps, frigidus & siccus, plus tamen sicci-  
 tatis quàm frigiditatis possidens, in quo ordine Medici illius  
 prouinciæ etiam constituunt.

HUIVS virentis corticis succo licet admodum ingra- Eius corticis  
 to, plurimum vtuntur incolæ cum gentiles tum Christiani facultates.  
 ob admirandos quos præbet effectus in omni genere profluuij,  
 cum in lyenteria tum in diarrhoea & dysenteria è quacun-  
 que causa prognata. Lusitani tamen Medici methodum in  
 eo exhibendo seruant. Vtuntur etiam eo sicco veluti priore:  
 sed prioris cortex longè præstat. Distillant verò atque vtun-  
 tur in hunc modum.

CORTICIS in puluerem triti vncias octo; ammeos, Corticis cõ-  
 apij, coriandri sicci, cumini nigri nonnihil tostorum & in ficiendi ra-  
 puluerem redactorũ singulorum drachmas tres, corticem tio.

Myro-

Myrobalanorum Cepulorū drachmas septem, butyri vaccini non saliti vncias duas, lactis acidi quantum satis est ad pulueres istos excipiendum sumunt in distillatoriam ollam vitream (si delicatioribus paratur) aut vulgarem (vt maxima ex parte fit) imponūt, & stillatitium liquorem eliciunt, cuius quatuor vel quinque vncias cum aqua auellana Indica, vulgo Areca nominata, aut aqua è pediculis rosarum vncis duabus propinant alii profluuii laborantibus, (interdum, si necessitas vrgeat, trochiscos de charabe vel de Lemnia terra admiscunt) semel in die, vel bis si opus sit, illico autem post eius sumptionem, orizā cum oxigala exhibere solent. Clysteres etiam ex eo confecti praesertim sub noctem iniiciuntur.

Areca.

LICET verò hic liquor admodum commendabilis sit, longè ut amen praestantior est Maceris cortex viridis, licet multo ingrator, & sumptu difficilior.

Eius radicis facultates.

VTILIS etiam haec est radix seu cum Orizae decoctio sumpta, siue inuncta aduersus hemorrhoides & ani scissuras.

Et foliorum vtilitas.

FOLIORVM eius cum Tamarindorum foliis decoctorum vapore crura tumentia vtiliter fouentur: ipso autem decocto madentes panni commodè in tympanite applicantur.

## DE PAUATE.

ALTERA istarum stirpium, tertium videlicet genus earum quae ad alui profluuia vtiliter sunt, vulgo in Malabar dicitur Pauate, à Brachmenis & Canarinis Vasauei, à Lusitanis Arbol contra las erisipelas, hoc est, Arbor erysipelas curans.

Pauate.

Vasauei.

Arbor erysipelas curans.

Eius descriptio.

FRUTEX est non admodum ramosus octo aut nouem pedū altitudinis, cui rara sunt folia, mali aurea minoribus foliis similia, excepta appendice qua carent, virimq; eleganti vire



virore prädita: flos exiguus, candidus, quatuor foliolis präditus, è cuius medio exit alba fibra cuspide viridi insignis, odore floris Periclymeni, cui procul afficiētibus persimilis videtur; rotundum semen, lentiscini magnitudine, ex viridi nigricans, & vbi maturuerit, nigrum. Caudex & rami cinerei sunt coloris, radix alba & insipida, cum nonnulla tamen amaritudine, odoris propemodum expers.

TAMETSI utilis sit hæc planta aduersus alui profluua, quemadmodum superiores duæ, cum illis tamen minime comparari potest, quandoquidē imbecillior est: itaque qui superiores nouit, ea haud quaquam vtetur in alui profluuiis, at in curando dumtaxat omnis generis erysipelate, & eo præsertim quod è mera bile ortum est; etenim insigni virtute aduersus hunc morbum pollere deprehensum est. Eius utilitas.

TERITVR & maceratur huius planta truncus siue radix orizæ decocto (Canje vocant) aliquot horis quiescere Canje. finitur vt ace scat hæc aqua, erysipelas deinde ea inungitur, bibendæque propinatur sufficiente quâtitate bis in die, purgato prius ventriculo.


EADÈM ratione præbetur radix orizæ decocto macerata iis qui iecoris inflammatione laborant, & februm ardoribus: addito autem succi foliorum Tamarindi momento vulnerum labia circumquaque inungi solent ad inflammationes prohibendas, & humorum defluxus cohibendos.

QVONIAM verò iis in prouinciis multò maiore quantitate hoc tertium genus quàm secundum Coru nuncupatum crescit, incolæ eo vtuntur.

#### DE CARYOPHYLLIS.

ARBOR Caryophyllos proferēs magnitudine & forma Lauri est, sed superiore parte magis ramosa, minore & angustiore folio: copiosos fert flores, initio candidos, deinde virides, cum nunc in fructum efformati sunt; at vbi maturuerunt Arboris Caryophyllos proferentis descriptio.

CARYOPHYL. ARBOR.





tutuerunt, rubros; qui deinde collecti & siccati nigrum colorem contrahunt: nascuntur ficus \* modo sparsim per ramos ad foliorum basim bini, terni aut quaterni simul iuncti, vel vnicus interdum.

DICITVR Arabibus, Persis & Turcis Caranful, Varia nomenclatura,  
ipsa arbor Siger, folium Varaqua.

PAVLVS Aegineta acres illos constituit, calidos & siccos ordine tertio: alij dumtaxat secundo.

VENTRICVLUM, iecur & cor roborant, concoctionē iuuant, vrinas cient, aluum cohibent, oculis instil- Eorū facultates.

luti eorum aciem exacuunt, nubesque extergunt: & quatuor drachmarū pōdere ex lacte sumpti venerē extimulant.

\* Caput de Caryophyllis Latio donare nō cōstitueram quandoquidem pleraque omnia ex Garcie ab Orta historia Aromatum (vti ferē reliqua, de quibus hic auctor hoc volumine agit) delumpta sint. Quoniam verō prāter reliquorum auctorum, qui Caryophyllorum historiam descripserūt, sententiam, eos ex ramis inter folia, sicū modo nasci asserit, ipsius verba lectori proponenda censui, vt animaduertere queat quā parum fidei interdum huic auctori sit adhibendum, qui veritatis assertorem se gloriatur, & plantas ad viuū expressisse asserit, cū tamē ipsius icones nullius stirpis viuam videre licuit. Caryophyllorum certē legitur am iconem in Aromatum Garcie historia exhibui, ex ipso ramo muria condito (quales multi Antuerpiam aduehi soliti erāt) à diligenti & perito pictore expressam. Vidimus insuper hoc anno 1581 Caryophyllorū ramos dodrātales & pedales siccos à FRANCISCO DRACKE nauclero Anglo (qui vniuersum orbem circumnauigauit) ex Moluccis superiore Septembri delatos: sed omnes extrema parte fructus proferebant suis festucis aut bacillis inhaerētes, eo quem in nostra icone exhibuimus modo. Eam tamen quā noster Auctor expressit, hoc etiam capite subiicere libuit, vt studiosi vtramque conferant.

#### DE PIPERE.

PIPER aliud domesticum, cuius vsus est; aliud siluestre, quod ob amarorem negligitur. Piperis duo genera.

C DOME-

Domestici  
historia.

**DOMESTICI** planta sarmētoſa eſt, ſcanditq<sup>3</sup> hederæ modo, arboribus quas nanciſci poteſt ſeſe circumuoluen- do: nodis per interualla prædita; ad quos folia naſcūtur Be- tele foliis ſimilia, parte interiore ſaturè virentia, exteriore dilutiora, cuſpide mucronata, & guſtu linguam vellicante. Horum foliorum alia aliis nigriora ſunt: quæ dilutiora ſunt fibrâſque æqualiter naſcentes habent, feminas cenſent (nam vtrumque ſexum in foliis eiſdem planta conſtituunt) ni- griora verò, inæqualibus fibris, mares. Ad ſingula interno- dia, vnde folia dependent, ex ipſa foliorum ſede naſcuntur vna, quarum maximè circiter quinquaginta grana obri- nent, minores verò triginta. Radix puſilla eſt, & ſumma tellure fibræ agit.

Nigrum &  
album.

**SUMMA** autem ſimilitudo eſt plantarum quæ ni- gram piper proferunt & album: albi tamen folia tenuiora & molliora videntur: eiſus etiam fructus magis aromaticus, meliorisq<sup>3</sup> ſaporis quàm nigri. Huius verò foliorū nullus eſt vſus apud eiſus regionis incolæ: ſed nigri piperis folia dum- taxat expetūtur in coli doloribus, aliſq<sup>3</sup> omnibus alui agri- tudinibus è frigida cauſa prouenientibus: ea oleo Cocci ſiue Nucis Indicæ prius inuncta, deinde calefacta ſupra aluum adhibentur magno effectū.

Eius ſerendi  
ratio.

**PORRO** ſeritur Piperis planta hoc modo: ſarmen- tum eiſus ſeu ramus iuxta prægrandem qualemcumque ar- borem aut palum defoditur, atque bubulum ſtercus & ci- neres cum aqua inſperguntur: infra annum deinde fructi- ſora eſt, quòque vetuſtior eſt plāta, eò ſeracior, quippe quæ ad ipſius arboris, cui maritata eſt, faſtigium ſeſe circum- uoluenſo ſcandere ſoleat.

#### DE AVELLANA INDICA.

Avellanæ  
Indicæ hi-  
ſtoria.

**ADMODUM** procera eſt hæc arbor rectâque, tenuis, rotunda, & fungoſa materia: folia habet lōgiora latioraq<sup>3</sup> quàm



quàm Palma quæ Cocos seu Indicas nuces fert, ex summa arbore nascentia, inter quæ prodeunt tenues virgæ paruis floribus onustæ, albis & ferè inodoris, quæ deinde in fructum Areca nuncupatum efformantur, nucis iuglandis magnitudine, minimè tamen rotundum, sed oblongum oui gallinæci exigui modo, exteriori cortice admodum virète, dum recens est, & vbi maturuit, admodum flauo, vt longè spectantibus veluti dactyli siue palmule maturæ appareant: materia molli & tomentosa constat hic cortex, continetq; inclusum fructum castaneæ grandioris magnitudine, altera parte similiter sessilem, candidum, durum, rubris venis plenum, quem incolæ edunt.

EVM adhuc virentē sub arena condere solent, vt melior graviorq; esui fiat: vulgo autē edunt cum foliis Betele: confringunt etiam, solique exponūt & siccant, (tum Checcani appellant) eoq; plurimam vtuntur tum in cibo, tum in lotionibus adstringētibus: & cortice, seu inuolucro dentes repurgant.

Eius confect-  
uandi ratio  
& vsus.  
Checcani.

CVM verò adeo fungosa huius arboris sit materia, frangitur difficulter: idcirco virga duorum digitorum crassitudine ex hac arbore parata Crocodilum cum in aqua, tum in terra facile retinere potest, si per eius fauces transmittatur (ea etenim ratione illos venari solēt) vt sæpe cōspexi.

Fractu diffi-  
cilis.  
Virgæ ex hac  
arbore parā-  
tur ad Cro-  
codilos ve-  
nandos.

## DE PALMA INDICA.

PRÆALTA est hæc arbor, & recta, nec admodum crassa, præsertim in fastigio: nam ab infimo ad summum paulatim gracilescit, & colore cinereo est: truncum à radicibus ad fastigiū vsque paruis quasi gradibus circumdant, qui ascēsuris scalarum vicem præbeant: flos castaneæ similis: fructus verò integer capite humano maior, forma oblongiore, triangulari, & colore viridi admodum diluto.

Palme Indi-  
cæ historia.

TAMETSÌ Narel huius arboris nucem vulgo ap-  
pellent

Narel.

Varia nomenclatura. *pellent cum Persæ tum Arabes, negant tamen Persæ legitimum esse nomen sed Nargel dicendum: ipsam arborem Darach Persæ vocāt, Arabes Siger Indi; Turci autem arborem Agach, fructum Cox Indi: Brachmenes arborem nuncupant Maro, nucem Naralu.*

Insulæ de Nalediua. *Ex hac arbore ex insulis de Nalediua fabricantur naues, atque clauis, malis, velis, rudentibus aliisque armamentis necessariis instruuntur: instructa iam, mercibus ex eadem*

Huius arboris vsus. *arbore conflat is onerantur, oleo, vino, aceto, saccharo nigro, fructibus aqua, & ardente aqua vulgo vocata. Ex eadem*

Ola. *arbore extruuntur ades cum suis tabulatis satis firma: atque eiusdem ramis, (quos Ola dicunt) contegunt imbricum vice; nam imbres commodè arcent. Ex iisdem ramis tecta comparant ad tegendas hieme naues, quæ in portum deductæ, remulco deinde in terram trahuntur.*

Harum palmarum duo genera, & eorum vsus. *ISTARVM porro Palmarum duo genera constituunt: Vnum etenim Suræ cogenda gratia deligunt, ea est veluti vinum mustum, quæ ignibus decocta in liquore transit vino similem, incolis Orraca appellatum; Alterum fructuum gerendorum causa adseruant.*

Sura. Orraca. *COLLIGITVR verò Sura in hunc modum: Aliquem è ramis cerebro viciniorem præcidit, duorum pedum longitudinem relinquētes, ad quem vascula ampla, oris tamen angustæ, illis Caloins nuncupata, colligant: per hunc ramum præcisum exstillat arbor Suram iam memoratam, qua organæ distillatoris imposita, ignis vi aquam eliciunt ardentem; purior, illis Fula dicta, hoc est, flos, facilius igne incenditur quàm nostra aqua ardēs, siue vinum adustum: altera Orraca nuncupata non item: sed huic purioris aliquantulum admiscere solēt. E Sura antequam ignibus decoquatur, soli exposita, fit acetum satis interdum acre, tametsi neque mentha, neque cortex arboris Myrobalani inician-  
acetum*

Suræ colligendæ ratio.

Caloins.

Fula.



acetum acrius reddant. Exempto primo vase Suræ, exstillat alia, quæ ignis vel solis caloribus inspissata, Saccharū sit incolis Iagra appellatum: præstantior censetur, quæ in Nalediua colligitur, quam quæ in Malabar.

Iagra.

FRUCTVS recēs sub primo illo crasso viridique operimento, alio cortice nigro præditus est, medullam tegente, Quis eius fructus.

qui recens antequam nigrum colorem contrahat, tener & candicans est, editurq; cum sale, vel sine sale, vel cum aceto & pipere interdum, atque gustu est Cinare: cū verò iam nonnihil indurari cœpit, Cardui caput sapit. Medulla cortici adherens tenera & dulcis est, continetq; multam aquam limpidam, suauem, nec fastidium aut nauseam sua dulcedine parientem quæ vulgo in solis ardoribus bibitur. Frequens est huius aquæ sub dio refrigerata, atque etiam Iagræ vsus aduersus iecoris renumq; nimios calores, purulentaq; materiæ per virgæ excretionem: refrigeratur verò hæc aqua in sua nuce viridi Laña appellata; diu cōseruatur, nam toto anno inueniuntur istæ nuces virides, quarum nonnulla interdū tres aut quatuor libras siue pintas aquæ continent.

Huius aquæ &amp; Iagræ vsus &amp; historia.

POSTQVAM iā indurata est hæc nux, durioremq; Eius nux. medullam contraxit, remanet in concauitate limpida quidam aqua, at non aded dulcis vt prior: nucem tum vocant Malabares Eleui. In annotinis nucibus mutatur hæc aqua Eleui. in rotundam quandam substantiam mali instar, cādidam, spongiosam, & leuem, sapore dulci.

MEDVLLA nucis recentis tenera alba & dulcis, Eius nucis esus & com- moditas. sola editur ab incolis aut cū Iagre, hoc est, Saccharo è Sura Auela. confecto, vel cum Auela, pulmento ex Oriza in aqua cocta, deinde trita & probè sole exsiccata: editur item cum piscis quodam genere siccato ex insulis de Nalediua aduecto. simili fere bubulis carnibus fumo induratis, Comalamasa Comalamasa. appellant, bonumq; condimentum est ad bibendi appeten-

Comalamasa.

tiam prouocandam. Ea verò mixtura non modo incolis in usu est, sed ab ipsis etià Lusitanis expetitur. Ex eadem medulla lac conficitur Amygdalino simile, ad edulia paranda vtile.

Copra.

SOLIBVS exsiccata hac medulla vocatur Copra, suavis est, reconditur, illisq; perinde in usu est, atque nostris Europais castanea sicca.

Huius nucis  
usus.

VVLGO creditur, & experientia comprobatum est, frequentiore huius nucis usum, lumbricos generare: cui morbo totius prouinciæ Malabar incolæ admodum obnoxij sunt.

Malabares  
lumbricis  
obnoxij.

Corticis vti-  
litas.

EXTERNO illo primòque cortice siue operimento crasso, foris leui, intus verò tomentoso dum resiccatus est, fiunt rudètes & alij funes nautici, vti in Hispaniis ex sparto. Tomentum illud Malabares Cayro vocant, magni apud eos usus, nam quonià aqua marina non corrumpitur, stipatur eo omnis generis naues: itaque illis populis usum præbet lanæ, xylî, stuparum, lini, & sparti.

Cayro.

Xareta.

E secundo nigroque & duro cortice, qui à nostris Coco dicitur, ab incolis verò Xareta, fiunt scutellæ & alia vasa potoria in tenuiorum usum. Fiunt etià ex eo vstulato carbones auri fabris vtilis, qui in iis prouinciis periti & industrij, nec admodum sumptuosi reperiuntur. Solent enim suum opificium proclamantes compita circuire, secum deferentes vrceolum, malleolum, & duo cata, cannaq; tubulum palmari longitudine manu tenentes quo focum incendunt. In edes admissi, vasa ex auro & argento conficiunt, pro eorum qui ipsos euocarunt arbitrio.

Huius palmæ  
folio rursus.

FIUNT ex huius Palmæ foliis petasi maiores & minores ad Solis ardores & imbres arcendos idonei: texuntur etiam storee, & alia pleraque.

Coccus de  
Nalediua.

COCCVS porro de Nalediua cognominatus adeò commendatur ab ipsis incolis, & à Malabarensibus, non modò à plebe



plebe, sed à Regibus & Principibus viris, vt in omni fere morborum genere ad eum confugiant tanquam ad sacram anchoram. Fiunt in eam gratiam ex illo pocula que auro vel argento excipiuntur, & in nauim triremiumq<sup>3</sup> figuram efformantur, ad aquam bibendam, in quam ex catenula medulla ipsius Cocci fragmentum pendere sinunt: sibi que certo persuadent, illis, qui aquam ex similibus poculis hauriunt, nullum venenum nocere posse, futurosq<sup>3</sup> immunes à multis morbis, in quos memini multos incidere, qui ex iis poculis bibere soliti erant. Et licet omnem diligentiam adhibuerim, nunquam tamen obseruare potui, similia pocula aliquē ex morbis curare, ad quos vtilia esse creduntur: potius igitur arbitror tantam laudem obtinuisse à vulgi opinione. Nonnulli ex huiusmodi vasculis bibere soliti, mihi affirmarunt sese experientia didicisse iecur incendi, renes noxam contrahere, & calculum generari: nihilominus tamen magnum est eorum pretium, longēque pluris aestimatur ijs locis vbi inueniuntur, quàm aliis procul inde distitis: nam interdum eiusmodi nuces nude, neque auro aut argento exornata quinquaginta aut amplius aureis nummis aestimantur.

Mirę eius fa-  
cultates vul-  
go creditæ.

NIGRIOR autem, nitidior, longior, maiorq<sup>3</sup> est hic Coccus quàm alie nuces Cocci communis.

Qui differat  
à Cocco co-  
muni.

## DE MYROBALANIS.

MYROBALANORVM quinque sunt genera di-  
uersis arboribus & regionibus nascentia.

Myrobala-  
norū quin-  
que genera,

CITRINA que à Medicis Aritiqui, à plebe autem Arare nuncupatur, nascuntur arbore mediocris magnitudinis, multis ramis & in ordinem digestis, prædita; foliis Sorbi.

Citrina  
Aritiqui.

EMBLICA illis Anuale dicta folia minutim incisa, filici ferè similia, sed paulo crassiora habent.

Emblica  
Anuale.]

Indica.  
Rezanuale.

INDICORVM, quæ ab incolis Rezanuale appellantur, folia, salicis foliis sunt similia.

Bellerica.  
Gotin.

BELLERICA rotunda sunt, incolisque Gotin dicuntur, & folia obtinēt Laurinis similia, minora tamen & tenuiora. Inueniuntur hæc quatuor genera per totam provinciam Malabar, Dabul, Cambaya, & Batecala, ea sunt quæ in Europam deuehuntur, sicca & condita.

Chepula.  
Aretca.

CHEPYLORVM, quæ illis Aretca appellantur, arborem non conspexi, sed eius folia Persica foliis esse similia referunt, & arborem eiusdem cum aliis esse magnitudinis: sunt verò omnium arbores Pruni magnitudine, sed pluribus ramis magisque in orbem digestis, prædite.

#### DE TAMARINDIS.

Tamarindorū historia.

SVNT Tamarindi fructus elegantis & aspectu pulchræ arboris, Castaneæ aut Ceratiorū arboris magnitudine, multis ramis prædite, & foliis latā vmbra præbentibus, materie solida admodū: folia filicis femina (quā Hispani Helecho, Cantabri Aristora appellant) foliis persimilia, dilutè virētia, valde elegātia, gustu acido, gratoque, è quibus condimentū fit (Salsam vocant) perinde atque è petroselino: flores candidi, Auræ mali floribus admodum similes forma exteriorē, & odore: attamē octonis foliis cōstant, quorū quatuor interiora alba sunt & crassiora velut Mali auræ florum folia, quatuor verò exteriora tenuiora, & bina ex his eleganti nervo radiata: è medio flore quatuor enascuntur stamina corniculorum modo inflexa, candida & tenuia. Fructus admodum similis est Ceratiis \* foris virescens initio, deinde per siccitatem cinereus, continens osicula rotunda Cassiæ solutivæ modo aut parvis Lupinis similia, dura admodum, & colore nitido terreo, haud quaquam flauo, quemadmodum nonnulli referunt: his non utimur, sed sola pulpa quæ nonnihil lenta & viscida est, iucunda tamen aciditate grata, tamen si

Helecho.  
Aristora.

Salsa.



tametsi nonnulli indigenæ asserant oficula asata & in pol-  
linem redacta ex oxygala in alui profluuiis vtiliter exhiberi:  
facile auellitur hic fructus, & etiam sponte decedit. Folia  
sub noctem sese contrahunt, suumque fructum amplecti so-  
lent, qui si desit, sua virgulta & ramos complectuntur:  
summa verò aurora sese explicare incipiunt grato specta- Foliorum  
facultates.  
culo: hæc trita partibus erysipelate infectis imponunt, atque  
etiam circa phlegmonas ad arcēdum qui influit humorem:  
iisdem cum sale Ormuziano phlegmonas resoluūt, & cum  
cineribus ex Cambaya pituitosos & melācholicos tumores.

VOCATUR hic fructus in Canarin Chinchā, ofi- Varia no-  
menclatura  
cula verò Chincharo, in Malabar Puli, & in Guzarate  
Ambili: Arabes, Persæ, Turci Tamarindi vocant; oficula  
Abes, arborem Siger Tamarindi.

PRÆFERVNTVR qui in locis montanis iisque  
Septentrioni obuensis nascuntur: vsu verò compertum est,  
huius arboris vmbra sub ea dormientibus non minus no- Huius arbo-  
ris vmbra  
noxia.  
xiam esse, quàm arboris iuglandis.

\* Tamarindorum fructus descriptio verior apud Garciam  
conspicitur: cuius legitimam effigiem pete ex doctissimis Lo-  
belij obseruationibus, vnā cum ipsius arboris semine recens  
natæ rudimento.

## DE CASSIA SOLVTIVA.

MVLTÆ Cassia solutina nascitur in Cayro, & ple- Cassie solu-  
tiue natales  
& histoma.  
risque aliis prouinciis tum Orientalis tum Occidua India.  
Præfertur tamen quæ ex Orientali delata est, quæq; locis  
ad Septentrionem magis vergentibus nascitur.

AMYGDALÆ magnitudinē æquat, foliis mali Persici  
similibus est, nōnunquam angustioribus, locis præsertim sic-  
cioribus nata, floribus luteolis aut flauis, non ingrati odoris:  
quibus deciduis succedunt siliquæ oblongæ, eleganti virore  
prælitæ dum recentes sunt, & quæ maturitate nigredinem  
breui consequuntur.

Candil.

TANTA est eius frequentia in Cambaya, vnde præstantissimam aduehunt, vt vnus Candil (quingentarum & viginti duarum librarum pondus hoc est) pretium non æstimetur pluris quàm nummo aureo, qui trecentos & sexaginta marauedis (æreos obolos Hispanicos) valent.

IN MONTIBVS verò Cranganor, & per vniuersam prouinciam Malabar (quando eius maximum pretium) singule libræ viginti marauedis redimi possunt, hoc est, paulò pluris quàm dimidio regali Castellano, siue Batzio Germanico.

Varia nomenclatura

GENTILES Canarini fructum Hafanguia & Bauafenga, quemadmodum & prouincie Decan incole, & Brachmenes, arborem Bahoo, & Baua vocant: Guzaratenses Gramala: Malabarenses Condaca: Arabes, Persæ, & Turcæ Hiarxamber: asserebat tamen mihi Cogecela peritus medicus Persa illud vocabulum esse merè Persicum, & legitimum Arabicum esse Gasatfalus.

Eius vsus.

FORIS illinitur medulla eryspelate tentatis & inflammationibus. Inualuit vsus tota India exhibendi delicatulis mulieribus & pueris cassiam solutiua adhuc virètem saccharo conditam, ad vnciam vnā bono successu: sumitur verò dum adhuc recens est & valde tenera, priusquàm cortex induretur, maceratur primùm in frigida aqua, antequam cum saccharo coquatur. Moderatè & sine molestia aluum subducit.

\* Persicæ mali folia quodammodo æmulantur, si singularia separe. Quoniam verò coniugatim bina semper in oblongo neruo nascuntur, & summa ala postremum, imparitatem faciens: commodius meo iudicio comparasset cum fraxini foliis aut similium arborum quæ alata folia ferre solitæ, ea integra abiciere consueuerunt, quemadmodum Iuglans, Sorbus, Rhus, Ceratia, &c.

Huius arboris ramulo cum suis floribus & folijs Cuci, & Cedri fructu, aliisq. varij generis seminibus ante biennium donati



donatissimus à doctissimo diligentissimoq. viro D. Bernardo Paludano, qui ea ex Syriaca, Arabica, Aegyptiacaque sua peregrinatione retulerat.

## DE ANACARDIO.

MAGNA est Anacardij copia in Malabar, & reliquis India prouinciis. Faba vulgari admodum similis, dum adhuc viret & recens est; exsiccatus verò niger & splendens: continet medullam Amygdala similem, inter quam & supremum corticem oleum admodum vrens inuenitur.

Anacardij  
historia.

DOCTOR Orta scribit eum fructum in vsum medicum recipi, & in illis regionibus in lacte maceratum dari asthmaticis, & aduersus lumbricos: eum praterea viridem sale condiri, & edi oliuarum conditarum in more: At etiam eo siccato caustici vice in strumis vti indigenas, totaque India eius cum calce mixti vsum esse ad obfignandos pannos.

Eius fructus  
utilitas.

EGO sanè vidi hunc fructum viridem, & per multos dies sale & aqua conditum, Oliuarum Hispanicarum modo, venalem in foro proponi, & edi non solum quidem, sed excitandæ appetentiæ causa cocta orizæ admisceri, vti solent fructum Mangas vocatum, aliósque fructus adstringentes & acidós, alias minimè.

Mangas.

NONNULLI in desiccato extimum corticem demunt, eamque membranam qua medulla tegitur, deinde medullam edunt ad bibendi appetitum irritandum. Ego verò & virentem conditum, & siccari medullam degustavi: sed neutro modo mihi delicatus videtur. Illud porro certissimè, oleum id quod inter corticem & nucleum continetur, admodum causticum esse & venenosum.

Oleum inde  
confectum.

TOTA tamen prouincia Malabar, eius vsus est caustici vice. Si quis instillet in putridam & cauum dentem, ipsum vrit frangitque, & corrumpi facile. Calce addita ad bom-

Cuius sit  
usus.

ad bombycinos pannos obfignandos, & alias res quaslibet notandas vtuntur: etenim notam aded firmiter impri-  
mit, vt nulla lotione eximi queat.

Aliz huius  
fructus fa-  
cultates.

SOLENT interdū Indi nonnulli hunc fructum cuspidi  
cultelli infixum candela ardenti imponere, qui, dum vritur,  
mirum quos strepitus edat, quas ignis scintillas quasi fulmi-  
na eiiciat diuersorum colorum, eaque ratione rudioribus  
quibusdam & mulierculis imponunt, illis persuadentes, se in  
ijs scintillis & flammæ radiis spiritus conspicerere qui ipsis lo-  
quantur, & eos edoceant quodcumque scire cupiant. Tali  
igitur commēto miseros fallunt, persuadētq. quod volunt,  
dantes responsa ijs qui ipsos consulunt, pro suo arbitrio. Vt  
verò omnes isti gentiles, augures, incantores, & diuinato-  
res raro loquuntur, & cum mora ponderēque respondent;  
in suis responsis semper sunt ambigui, & aded astuti, vt  
quomodocumque res, de qua cōsulti sunt, cadat, suam exi-  
stimationem minimè periclitentur, dicantque se euentum  
prædixisse.

#### DE CAIVS.

Cajus histo-  
ria.

MALVM Punicam magnitudine aequat hac arbor;  
folium eius dilutius viret, & carnosum est: flos candidus, si-  
milis ferè mali aureæ flori, sed pluribus foliis constans, nec  
aded odoratus. Præbet hac arbor fructum Caju vulgò ap-  
pellatum, qui quoniam boni saporis est & ventriculo utilis,  
ab omnibus multum æstimatur.

Eius fructus  
descriptio.

EST autem hic fructus, magni mali instar, valde flavus  
& odoratus, intus spongiosus & succi plenus sine vllis gra-  
nis, gustu subdulci, nonnihil tamen fauces coarctante. Sed  
duplicem habet eodē anno ortum hac ratione: marcescēte  
flore subsequitur faba \* prægrandis, inter quam & florem  
intumescit quiddā malo simile, quod paulatim fabæ succum  
ad se pertrahit: quòque maius incrementum sumit, eò faba  
suis



siue nux magis minuitur, donec fructus Caju, hoc est, malum illud, plenam consequutus sit maturitatem, quod è colore flauo aut rufo (nam vterque color in his malis conspicitur) & odore deprehenditur: maturo fructui inhaeret nihilominus faba illa, & cum ipso colligitur.

BELLARIORVM vicem prabet hic fructus ex vino sumptus, aut sine vino: nam præter saporis gratiam, vt ilis admodum compertus est in ventriculi debilitate, vomitibus, & appetentie deiectu. Qui verò his auxiliis non egent, prius in aqua nonnihil maceratum edunt.

NON vbique nascitur hic fructus, sed in hortis vrbis S. Et natales, Crucis Regni Cochin inuenitur.

\* Mirari satis nequeo nostrum Auctorem huius nucis, quæ in extremo fructu nascitur, vel è qua, vt ipse refert, ipsum malum incrementum sumit & substantiam haurit, formam, colorem, consistentiam, & oleum in cortice conclusum (non secus ac in Anacardio) non describere; cum apud Brasilianos, quibus *Caius* siue *Caious* (ita enim pronūciandum) dicitur, non minore fortè in vsu sit, quàm ipsum malum, vt ego de iis qui in Fernambucho diu vixerunt intellexi, & in annotationibus ad caput de Anacardio historia Aromatum, adscripsi, ad quas lectorem remitto. Arbitror autem hunc fructum in regnū Cochin recens fuisse illatū, & propterea plenum eius vltum nondum innotuisse. Certè quotquot hætenus de stirpibus Indiæ Orientalis scripserunt, nusquam eius meminerunt, nec ipse quidem D. GARCIA AB ORTA, qui paucos ante annos Aromatum historiam conscripsit.

### DE SPICA NARDI.

DE PISO veneno quod Lacuna commentariis in 6 cap. lib. 1. Dioscorid. scribit ex Nardo Indica fieri, nec D. Orta vnquam summa diligentia exquirens, nec ego, tamen si plurimos de eo percontatus sim, in India intelligere potuimus.

PRÆSENTISSIMVM quod apud eos est venenū, vocatur Bicho de Ormuz, id est, Lacertus ex Ormuz, qui

Venenū Lacerti ex Ormuz.

qui similis Scinco est, de quo & eius exitiosissimo veneno, & diabolica arte qua homines extinguere solent, referimus in libro Animalium. Secundum locum obtinet Manga siluestris, de qua inferius. Tertium quod è Tigridis pilis fit: Deinde quod è planta quadam lacteo succo plena, cuius magna nascitur quantitas in prouincia Malabar. Sed & Napellus locum suum obtinet.

## DE RHABARBARO.

Rhabarbari  
natales.

Canta vrbs,  
portus &  
emporium.

R H A B A R B A R V M singulare medicamentum, dignumq; veneratione apud omne humanum genus, in interiore Chinarum regione dumtaxat prouenit, vnde in urbem Cantan (nobilissimum totius illius prouinciæ portum & emporiũ, vbi Lusitani habitant,) exportatur, & inde nauibus in Indiam aduehitur. Alia item via ex eadem interiore prouincia Chinarum camelis deferunt per Tartariam & Vzbeque in Ormuz, & inde in Persiam, Arabiã & Alexandriam, vnde postea vniuersa Europa communicatur. Id non est adeo cariosum, & præfertur illi quod nauibus in Indiam importatur, ed quod magna ex parte corruptum est, facile enim in ista per mare vectiõne vitiatur.

HÆC sunt quæ de Rhabarbari natalibus cõperta sunt, nec D. Orta cum insigni sua diligentia, nec ego plura consequi potuimus.

De Rhabar-  
bari præpa-  
rãdi ratione  
quorundam  
error.

QVOD verò nonnulli scribunt, eius regionis incolas Rhabarbarum macerare, deinde succum exprimere, è quo ad solem depurato, trochiscos parare soleãt, Principibus viris purgandis idoneos, nobisq; deinde radices exsuccas, & inutiles mittere, fabula est, quam inde originem sumpsisse arbitror, quod nonnulli gentiles mercatores Rhabarbaro fungosiori & vetustiori (vt facilius à corruptione liberent, nè uetredo qua id erodere solet, innascatur) aquã nõ feruentem, sed tepidam adfundãt, deinde lineis pannis emundatum bacillis



cillis aut filo traiciant, & exsiccent, & nonnulla foramina piperis tenuissimè triti polline & cera obturent: deinde probe siccatum in Psyllij semine adseruent.

HÆC mihi retulit mercator Canarinus vir probus, sanctèque affirmabat ea dumtaxat fieri ad præseruandum à corruptione Rhabarbarum, addebatq; id rhabarbarum in quo conspiceretur foramen, quo traiectū pendisset, ea ratione præparatum fuisse, neque idè improbari, neque affusam aquam multum de ipsius viribus detraxisse.

## DE RADICE CHINÆ.

VOCATUR hoc excellens medicamentum in China- Radicis Chi-  
rum regione Lampatan, in Decan Lampaos, in Canarin næ nomen-  
Bonti, ab Arabibus, Persis & Turcis Chophchina. clatura varia

NASCITVR abundantissimè in Chinarum regio- Eius natales.  
ne: inuenitur tamen etiam in Malabar, Cochin, Crāganor,  
Coulan, Tanor, & aliis locis.

PLANTA est multis tenuibus spinosisque sarmentis Eius descri-  
prædita, similaci aspera non absimilibus, quorum maxima PTIO.  
minimum manus digitum crassitie nō superant, foliis plan-  
taginis latifoliae magnitudine: radices pugnū nonnunquam  
æquant, interdum minores sunt, solida, graues, candida, in-  
terdum etiam rubescentes, & multa sæpenumerò simul co-  
herentes.

PLVRIMVS est huius radice vsus in omnibus Orien- Facultates:  
talis Indiae prouinciis ad varios morbos: quin adeò innoxia  
censetur, vt eam sumentibus, tametsi nullā victus rationem  
obseruent, sed liberè carnibus & piscibus vescantur, nihil in-  
commodi adferre credatur. Vulgaris tamen quæ in China-  
rū Indiae prouinciis obseruatur, sumēdi huius radice decocti  
cōsuetudo est, vt radice vncia vna, additis radicū Apij dua-  
bus drachmis decoquatur lento igne & sine fumo; in decem  
& sex aquæ libris ad sex librarū cōsumptionem reliquos de-  
cem

cem in fictili vitriato adseruant, sumuntq<sup>3</sup> singulis diebus recens decoctum, quoniam facile corrumpitur, nec vltra diem adseruari potest. Eius verò tepidi manè sumit æger plenū haustū, duabusq<sup>3</sup> horis in lecto remanet, postea surgit, duabus autem horis ante cœnam totidem haurit, interdum de eodem frigido bibit.

PLERIQUE tamen etiā dum sua negotia exercent & nauigant singulis diebus manè & vesp̄i duas eius radicis in puluere redactæ drachmas ex vino, aut ipsius radicis decocto felici successu bibere solent.

ORGANIS etiam ex hac radice recenti, aqua elicitur, delicatioribus admodum familiaris: attamen & ab aliis magna quantitas absumitur, quoniam illi plurimum fidunt non modò in morbis à D. Orta enumeratis, sed etiam in hemicrania, in herniis humoralibus, & ventosis, in colli vesicæ & penis callis, eorumq<sup>3</sup> vlceribus, venerē etiam admodum excitare creditur: decoctum tamen ipsa stillaticia aqua præstantius est. Optimè conseruatur radix, si pipere confracto inuoluatur.

#### DE CROCO INDICO.

Croci Indici  
historia.

MAIORA latioraque habet Crocum Indicum folia quàm Orchis Serapias dicta, colore foliorum Scillæ, dilutiora tamen & tenuiora; caulem habet e foliis simul implicatis, & sese mutuo amplexantibus constantem: radicem foris Zingiberi similem, intus croceam.

Curcum.  
Saroth.

PRÆTER nomina ab Orta enumerata, apud Arabes etiam Curcum dicitur, apud Turcos Saroth.

#### DE GALANGA.

Duplex Ga-  
langa.

DUPLEX est Galāga medicamentum vsibus humanis valde necessarium, dignumq<sup>3</sup> vt Pharmacopola in suis officinis perpetuò habeant.



VNA minor & odorata, quæ cū Rhabarbaro ex Chinæ regione in Indiã aduehitur, & inde in Lusitaniam defertur, incolis Lauandou dicta.

Lauandou.

ALTERA maior, plurima nascens in Iaua & Malabar, cuius descriptionem, quod maiore sit in vsu, hic damus. Ea duorum cubitorum altitudine crescit, nonnunquam amplior, fecundiore præsertim solo: folia habet Orchidi Dioscor. lib. 3. descriptæ similia, longiora tamen & latiora, superne saturatius inferne dilutius virentia: caulem ex foliorum inuolucris constantem, vti in Orchidum generibus: florem candidum, inodorum: semen exiguum, neglectum: radicem secundū caput crassam & bulbosam, reliqua ex parte Zingiberi similem, sed maiorem, nonnunquam capitula, hastula regie modo, proferentem.

SERITVR radice quæ mirum in modū sese propagat.

APPELLATVR à Canarinis & Brachmenis (quibus maximo est in vsu cū in hominum tum iumentorum morbis, quique eam ordinariē cum Oriza, vel piscibus, vel in acetariis edunt) Caccharu, ab Arabibus Caluegian, in Iaua Lancuax, in Malabar Cua.

Nomina varia.

ADEO autem vulgaris est apud Malabarēses huius radicis vsus, vt non modò in medendis morbis eam vsurpent, sed in farinā etiam conuertant, ex qua Cocci seu nucis Indicæ lacte, nonnunquam Sura, aut Iagra excepta, certum quoddam panis genus pinsunt in tenuium placentularum formam, Apas vocant: in deliciis est hic panis, præbētq; iis qui ventriculi debilitate, & frigiditate laborant, in alui doloribus, vteri affectibus & vrinae difficultatibus: quo postremo in morbo miram eius efficaciam experiuntur, siue ob humores crassos & pituitosos, flatūsue aut arenulas in vreticulis aut collo vesicæ congestas, vrinae difficultas orta sit, vel etiam ex carnis excresecientia in ipso vesicæ collo aut meatibus nata. Prebent verò edendum hunc panem, deinde hau-

Eius vsus & facultates.

D                      stum

Nimpa.

stum Nimpa ( quæ veluti aqua ardens est ) concedunt; in inguinibus verò supràque pubem & collum vesicæ, folia Nymphae decocta in aqua & macerata atque adhuc calentia applicant.

\* Neque hic auctor, neque Garcias ab Orta mihi satisfaciunt in Galangæ maioris descriptione, præsertim si ea, qua Europæ officinæ vtuntur, legitima est Galanga maior: etenim eius radices multo maiorem similitudinē habent cum Iridis, quàm cum Asphodeli aut Zingiberis radicibus. Et certè omnino mihi persuadeo Galangam nostrā maiorem Iridis genus esse huic fortè simile quod in mea Pannonicarum stirpium historia primum est. Nihil tamen statuo.

## DE ZINGIBERE.

Zinziberis  
descriptio.

TRIVM aut quatuor palmorum magnitudine assurgit, foliisq<sub>3</sub> est Milio maiori, quod Lachryma Iob vulgò nuncupatur, admodum similibus; caule verò Asphodelini crassitie, ex multis foliorum inuolucris constans, vt veluti exigua quadam arundo appareat: radicibus quodammodo Iridi similibus.

## DE LIGNO COLVBRINO.

Dux ligni  
colubrini  
stirpes.

BINÆ stirpes in Malabar inueniuntur plurimum dissimiles cū forma, tum nascendi modo, vno tamē eodemq<sub>3</sub> nomine nuncupatæ, Lignum Colubrinum, quod singula mirum in modum viles sint aduersus colubrorum morsus.

Prioris hi-  
steria.

PRIOR nascitur hedera modo, colore Dracunculī maioris, siue Serpentaria: folia illi sunt Bryonia ferè similia, integratamen initio, nervisq<sub>3</sub> prædita per longitudinem excurrente, & quinque aut sex venis in latera vergentibus, successu temporis accedūt exigua foramina, que paulatim cum foliis incrementum sumunt donec tandem omnino folia scindant, eaq<sub>3</sub> vitis foliis similia reddant: conspiciuntur enim interdum in eadem stirpe folia integra, alia exiguis,  
nonnulla



nonnulla maioribus foraminibus prædita, omniâque aded inter se dissimilia, vt minimè eiusdem plantæ folia esse videantur. Tantani verò habet hoc lignum cum colubro similitudinem, vt qui non norit, aut de die viderit, si ad Lunæ splendorem noctu cõspiciat, viuum colubrum esse existimet.

VVLGO censetur præstantissimum remedium aduersus colubrorum & viperarum morsus: incolæ sanè, dum in agros tendunt, magna ex parte circumferre solent hoc lignum (sunt enim in ea prouincia multe viperæ, variâque serpentum genera) aiuntque solo eius odore serpentes fugari: & si dum colubros venantur, eos attingere hoc ligno queant, ilicò rumpi & extinguì.

Eius facultates.

ALTERA admodum brevis est & tenuis, triâque solummodò folia habet mollia, leuia, saturatius virentia: florem aut fructum non conspexi, nec quenquam inueni qui se vidisse assereret: radix oblonga & tenuis est, minimo digito minor, hinc inde nonnunquam extuberans, & summa tellure serpens: exterior eius cortex valde tenuis est & cinereus, nullo, dum gustatur, manifesto sapore præditus, deinde tamen gustum in ore relinquens suauem, & vti Moschus odoratum: fissus est vndique hic cortex, & sponte sese expedit ab alio crassiore flauoque cortice subtus nascente, qui odorem Loti siluestris siue trifolij odorati vulgaris refert, & saporem Glycyrrhizæ dulciorem: præmansus autem odore admodum suauis, nec iniucunda mordicatione, momentanea tamen præditus esse deprehenditur: ipsa materies lignosa est, candida, dura & insipida: folia napi saporem referunt: germen producit hæc radix supra terram circiter quatuor uncias longum, in caput extuberans.

Alterius historia.

NOMEN huius plantæ apud Canarinos est Duda Sali.

Nomenclatura.

TRITA radix cum aqua rosacea aut vulgari, vel cum vino (indifferenter enim vtuntur) præsens certumque asse-

Eius vires.

runt remedium aduersus omnis generis serpentum morsus. Plurimus etiam eius est vsus in febribus continuis, tertianisque, syncope, ventriculi debilitate, & cordis tremore: datúrque aduersus omnis generis venena. Multi mihi sanctè affirmarunt dummodo manu hanc radicem tenerent, nullos serpentes, vel alia similia virulenta insecta formidare; & certissimum esse serpentes & vyperas eius aspectum minimè ferre posse, sed fugere, celerrimèque in aliam partem sese proripere, si quis ante serpentes eam proiiceret.

PERVILIS etiam censetur iis quibus anhelitus ab ore vitiatò aut dentibus corruptis fœtet, modò eam continuò mandant, dentiúmque cauis gestent.

Eius natales.

PROVENIT locis humidis, & intèr arbores, præsertim verò secundum eas quæ Angelins nuncupantur, nec procul à mari.

Colubrini  
ligni genus  
tertium.

INVENTVR & tertium Colubrini ligni genus in eadem provincia, vastæ arboris magnitudine, de quo in alio libro agemus.

\* Neutrum horum ligni colubrini generũ cum GARCIAE ligno colubrino convenire facilè animaduertet, qui vtriusque descriptiones diligèter conferet. Secundi verò generis GARCIAE descripti fragmentum quinque vnciarum longitudinis, quodque, vt conicere licebat, duarum vnciarum crassitudinem æquarat, mihi non modò ostendit Londini anno 1581. C. V. D. Hector Nunez Medicus Lusitanus, sed etiam dimidia eius parte liberaliter donavit. Eius porrò materies firma est, candida, venis quibusdam distincta, non dissimilis fraxini ligno, cortex autem qui eam integrit cádicans, & quasi cinereus. Vtraque verò, si quis degustet, amaro sapore prædita esse deprehenditur. Eius fragmenti iconem lectoris oculis subiecimus.





## DE LIGNO MOLVCENSI.

Ligni Molu-  
censis nata-  
les & descri-  
ptio.

INVENITVR in Moluccis arbor quædam domestica Mali cotoneæ magnitudine, cuius folia Maluæ vulgaris foliis sunt similia, fructus verò auellanis, sed minor, molliore cortice & nigricante.

SERITVR coliturque in hortis diligenter, nec alibi facile inuenias: tanti enim ab incolis æstimatur, vt peregrinos ne ad eius quidem conspectum admittunt.

Panaua.

INCOLÆ Panaua appellant. Cum verò istic Regis nomine gubernaret prudētissimus & animosissimus Dominus Ludovicus de Tayde, ipsius nomine hæc arbor dicta fuit, quoniam ille primus nobis eius insignes facultates aperuit. Accidit enim vt nobilis quidā Lusitanus, Henricus de Lima vocatus, dū in Moluccis versaretur, animaduertetet quanta cura & diligentia incole hanc arborem colerent, quantiæ æstimarent, atque ideò illius facultates apprime intelligere cupiens, nonnullas tandem edoctus est. Nactus igitur trunci huius arboris partem, eam obtulit Proregi, bonarū rerum, & naturæ secretorum studiosissimo, tanquam medicamentum valde necessarium, cognitūque dignum, & nostris hominibus hætenus inauditum. Anno autem sexagesimo primo supra millesimum & quingentesimum interrogans me Prorex, an aliquid de hac arbore inuidissem, aliquot eius facultates retuli quas ab aliis didicissem, conquerens arborem nondum licuisse videre: tum ille eius quod habebat fragmento me donauit, imperans vt cum iudicio & ratione experirer, nec vllius vitam periclitarer, deinde rerum successum illi significarem: quod me facturum recepi. Eius itaque ligni periculum feci, cum in nonnullis agris quorum curam habebā in nosocomiis, tum in variis morbis qui in longa nauigatione plerumque oriri solent dum in Lusitaniam redirem; partim adiutus facultatū relationibus quas intellexeram,



lexeram, & vtendi methodo, partim iis quæ Nobilis ille in Moluccis didicerat.

ILLIVS semen iam antè videram mihi donatum ad Eius semen  
aues capiendum: etenim eo in aucupis vtuntur non modò in aucupis  
in illa regione, sed etiam in multis Indie prouincijs, ad quas, vtile.  
eius rei gratia, venale defertur. Eius pauxillum cum oriza  
cocta mixtum auib; siluestribus exponunt: quæ degustant,  
ilicò decidunt sopite & stupide; quæ verò auidius id edunt,  
moriuntur antequam illis auxilium præberi possit, quod est,  
vt frigida caput perfundatur. Graculi omnium citissimè eo  
degustato extinguuntur.

NUNC ad salubrem huius arboris materiem accedamus, cuius pauxillum hodie plurimi facio.

INTVS sumptum, aut foris appositum, omnibus Aduersus  
venenis resistit. venena prodest.

INTRO assumitur magno commodo ex aqua rosacea vel vulgari, cuiusque iusculo eius pulueris apta quantitas pro necessitate, & ægri natura, modò decem grana non excedat, sed infra id pondus consistat. Ad viperarum, Regulorum (qui serpentes pileati appellatur, & admodum noxijs sunt) aliorumque similium aspidum aut serpentum morsus, bibitur hic puluis ex aqua, ipsiq; morsibus puluis inspergitur. Eadem ratione præbent in vulneribus quæ à sagittis toxico illitis facta sunt, quibus illius regionis incolæ plurimum viuntur.

PVLLVEREM verò ex hoc ligno sibi parant lima Eius pulue-  
pelle marinæ canicula cōfecta, aut tenui aliqua ferrea lima. ris vsus.

ROBUSTISSIMO cuique dimidijs eius scrupulus ex aqua limpida tepida aut rosacea, aut gallinarum iusculo tepente, summo manè datur (cena autem diei præcedentis parca esse debet) euacuat enim omnes humores, præsertim crassos, lentos, & melancholicos: cōuenit quartanis, diuturnis, febribus continujs, iliacis, colicisq; doloribus, flatibus, hy-

Canja.

dropisi, arenulis, renum calculis, vrinae difficultatibus, sensissimae colericæ passioni, aliisque morbis, veluti articulorum & tibiarum inueteratis doloribus, scyrrhis & serofulis. Omnis generis lumbricos necat, & appetentiam deiectam reuocat: & si nimia fiat euacuatio, bibat ager dimidiū cyathum Canja, hoc est, decocti orizæ, aut auiculam comedat, subito cessabit, quod sanè multa laude dignum est, paucisque medicamentis vulgare, vt in potestate sit medici aut agri, purgari quantum cupierit. Huc accedit quod neque fœtorem, neque tadium, neque metum dum sumitur pariat, possitque sine diætæ obseruatione, etiam iis qui sua negotia foris peragunt, propinari, vt ex iis deprehendi qui vnâ mecum eadem naui vehebantur, nullū sentientes incommodum, tametsi dum purgarentur nulla diætâ vterentur, viuerentque solutissime.

Eius præstantia.

OBSERVAVI etiam illius præstantiam in inueteratis capitis doloribus, hemicrania, apoplexia, aurium tinnitu, arthritide, ventriculi & vteri affectibus & asthmate. Propterea fidens illi plurimum, sapius in diuersis naturis, atatibus & locis, feliciter vsus sum, & sine vlla molestia, nisi quod in biliosis naturis, calidisque ventriculis nonnihil molestiæ pareret donec cibum sumerent, & in nonnullis vomitum excitaret: sed biliosis hunc puluerem nonnunquam dedi syrupo acetoso aut carambola condita exceptum: aut in catapotia cum saccharo rosato efformatum.

EXHIBENDVS est summo manè, neque cibis aut potus concedendus donec purgati sint quantum necessarium videtur, tum demum cyathus iusculi gallinarum tepidi datur, dimidiaque aut integra hora post, conceditur pullus galinaceus, & paululum vini aqua bene diluti, deinde toto illo die potu abstinet ad cœnam vsque, quæ parca erit, & facilis concoctionis. Subsequenti die sumitur saccharum rosatum cum aqua buglossi, aut borraginis, aut cōmuni, atque iniicitur clyster ad aluum eluendam.

SOLET



SOLET verò interdum in nonnullis ani pruritum & excoriationem excitare, atque in aliquibus (sed paucis admodum) hemorrhoides.

HÆC sunt quæ de hoc ligno Panaua conspexi & intellexi: Nunc verò in illis regionibus magnus est eius vsus, tantaq; æstimatio, vt sine metu in multis morbis suprà enumeratis vsurpent. Ego bis illud sumpsi in coli dolore & hemicrania, mihiq; salutare esse deprehendi.

CETERVM cum propter eius insignes facultates incola plurimi faciant, easq; quantum in ipsis est, celare nos studeant, quæ proculdubio longè plures sunt quàm quas nouimus, sperandum est temporis (quod omnia reuelat) successu reliquarum quæ nobis adhuc ignotæ sunt, notitiâ nos consequuturos: easq; in libro quem præ manibus habemus fideliter enarrabimus, si, ante quàm in lucem prodeat, intellexerimus.

## DE MORINGA.

LENTISCI magnitudine est Moringa, cui persimilia habet folia: paucis prædita est ramis, eamque ob causam exiguam præbet umbram, multis nodis scatet, adeoq; fragilis est, vt facillimè cum ipse frutex, tum rami confringantur: folia saturatius virent, viuidiq; sunt coloris; saporis vero foliorum napi: fructum fert pedalem, raphani crassitie, octo angulis insignitum, colore dilutiore inter viridem & cinereum, intus cæcidum, medullosum, & in certa receptacula distinctum, quibus continenter rotunda semina Eruo similia virentia & admodum tenera, sed sapore quàm folia acriore. Editur hic fructus cū carnibus coctus, aut alio modo paratus.

Moringæ historia.

Huius arboris radix Vnicornu, & lapidis Bezar vices supplet, veraq; theriaca est qua vulgo incola vtuntur: cum aduersus omnis generis venena, tum morsus serpentium maxime

Eius vsus & facultates.

maximè noxiorum, vulgò Culebras de Capillo dictorum, aliorumq; insectorū, & virulentorū animalium, cū intro sumpta, tum foris applicata. In colerica quam vocāt passione singularis efficacīe esse deprehendi. Miscetur remediis melancholicos humores purgantibus: & probè nota est Elephantiasī laborantibus, quorum plurimos, eius continuo vsu sanari perhibent.

Eius natales.

ABVNDENASCITUR variis India locis, sed præsertim tota prouincia Malabar, secundum flumen Mangate, vbi admodum luxuriat, multosq; fructus profert, qui vulgò in foro venduntur perinde atque fabæ in Hispania.

Nomenclatura varia.

ARABES & Turcæ Morian appellant: Persæ Tame: Guzaratenses Turiaa.

#### DE LAPIDE BEZAR.

TAMETSI in altero libro, (quem De quadrupedibus, serpentibus, & auibus quæ in India inueniuntur, scribere speramus) de omnibus gemmis lapidibûsque qui in medicum vsu veniunt, simus acturi: placuit tamen hoc libri lapidis Bezar mentionem facere, quem, quotquot de e scripserunt, aut eo vsi sunt, & adhuc vtuntur, vno ore asserunt maximum præstantissimūque esse antidotum aduersus omnia venena, nō modò intro assumptum, sed etiam foris adhibitum.

Lapidis Bezar quātitas & forma.

INVENITVR hic lapis variæ magnitudinis, formæq; & diuersi coloris: nā sunt qui dūtaxat dimidiā drachmam, sunt etiam qui duodecim & quindecim drachmas pendant, quales ego conspexi; nonnulliq; adhuc maiores reperiri ferunt: sunt præterea rotūdi vti auellanae, alij oblongiores ouis forma, aut columella, alij triangulares, alij sessiles vna parte, & gibbi altera vti castanea: postremò nonnulli sunt coloris ex viridi nigricātis, alij mali insani colorē referunt, alij obscuriores sunt, alij dilutius virēt, & nōnulli etiā flauescūt.

GENE.



**GENERATVR** iste lapis in ventriculis animalium hirco ferè similium, arietis prægrandis magnitudine, colore rufo, vti cerui propemodum, agili, & acutissimi auditus, à Persis Pazan appellato, quod variis Indiæ prouinciis, vti in Pazan. promontorio Comorim, & nonnullis Maluccæ locis, tum etiã in Persia & Corasone, insulisq. quæ à Vacca cognomen adeptæ sunt, inuenitur: similiter in Occidentali India, referente Petro de Osma in epistola quam ad D. Monardis conscripsit.

**VT** verò differunt figura & colore hi lapides, sic etiam nonnihil pondere & substantia variant: etenim eiusdem magnitudinis videas, alios aliis leuiores, alios aliis solidiores pluribûsque aut paucioribus tunicis præditos, nōnullos etiam vsque ad centrum continuos, aliquos in quorum meditullio puluis quidam reperitur, alios in quibus aliquid herbæ siccæ simile, plurimos in quorum centro paleolam tenuem solummodo inuenias circa quam lapidem efformari quidam putant.

**PRÆFERVNTVR** autem Orientales, atque omnibus Persici antecellunt. Sunt qui, referentibus nonnullis, huius lapidis puluere vtuntur singulis quindecim diebus, existimantes eo medicamento partes corporis vitales, generationisq. membra roborari.

**ASSERVNT** iis regionibus in quibus inueniuntur animalia, quæ istum lapidem generant, venatores adeò esse peritos & exercitatos, vt quænam animalia maiores lapides contineant, solo conspectu possint iudicare, aiuntque ea animalia in quorum ventriculus maiores lapides latent, minus mobilia, agiliãve esse, & lenta, subtristiãque apparere. Interdum etiam extincta animalia inueniri, in quorum receptaculis lapides grandes sint.

**PORRO** horum lapidum tanta est æstimatio apud gentiles & indigenas, vt dicere soleant: Licet Deus omnia in homi-

Eius natales:

Pazan.

Eius varietas &amp; differentia.

Huius lapidis puluis cuius sit usus.

Animalium quæ hunc lapidem generant, venatores.

Huius lapidis præstaria.

in hominum vtilitatem creavit, damnum tamen quodammodo esse, eum lapidem in alium vsum conuertere, quam Principum & nobili stemmate progenitorum, quandoquidem in plebis vsum lapidis Bezar loco, radicem Moringa creavit, de qua superiore capite.

## DE ARBORE TRISTI.

Arboris tristis natales & qualitas.

NONNULLIS Indie locis, praesertim verò in Malabar, frequentissima nascitur Arbor quaedam magnitudine & forma fere Pruni, multis praedita ramis tenuibus, & certa per spacia nodulo distinctis, è quo vtriusque singularia folia enascuntur Pruni foliorum magnitudine, mollia & lanuginosa parte auersa, quemadmodum fere salviae folia, & viridia nonnihilque aspera parte interiore, non adeo serrata in circuitu, ut pruni folia, neque tam multis venis praedita. E singulorum foliorum sede nascitur pediculus quinque capitula summa sui parte sustinens, quae quatuor foliolis subrotundis constant, è quorum medio quinque flores exiliunt candidi, elegantes, Aureae mali floribus magnitudine & figura pares, tenuiores tamen, elegantiores, & odoratiores, pediculo magis ad rubrum quam ad flauum colorem tendente, quo in illis regionibus eduli utuntur, quemadmodum apud nos vulgo fit croco: fructus magnitudine lupini est, virescens, cordis effigie, per medium secundum longitudinem sectus, continens in vtraque parte quoddam receptaculum in quo semen occultitur, magnitudine seminis Ceratij siue Siliquae, cordis effigiem retinens, album, tenerum, membrana subuirente tectum, nonnihil amarum.

Nomenclatura varia.

VOCATUR haec arbor in Canarum Parizataco; in Malayo Singadi, in Decan Pul, ab Arabibus Guart, à Persis & Turcis Gul.

Odor.

RES est profecto obseruatione dignissima, conspiciere hanc elegantissimam arborem nocte pulcherrimis, suauissimisque  
olen.



olentibus floribus onustā & hilarem, & simul atque à Solis radiis illustratur, nō modo flores omnes in terrā abiicere, sed totam arborē cum suis foliis quodāmodo marcidā apparere.

INTER omnes sanē quos vnquam odoratus sum flores nullum meo iudicio memini cum hoc comparandum, praesertim initio dum quis repente locum ingreditur vbi hac arbor est confita: nam postquam manu contacti sunt, exiguus & euaniidus est odor.

INDIGENÆ istos flores correficere cēsent, sed amarulusculi sunt: nam recēter ex arbore collectos & in cibis degustauī, & nonnullam amaritudinem semper deprehendi. Gentiles etiam medici eius semen inter medicamenta correficientia recensent. Florū vires.

MULTI Proreges, tribuni, atque alij priuati hanc arborem in Lusitaniam transferre voluerunt, sed irritō conatu. Noui etiam quosdam qui semen commodo tempore collectum & maturum, vasculis figulinis vitratis atque bene obturatis, item argenteis, pyxidibusq; ligneis in Lusitaniam detulerunt, ibique cū omni cura & diligentia seucrunt, sed nunquam nasci voluit.

IN Malabar autem & Goa, locisq; vicinis cum tanta facilitate nascitur, vt quilibet rami in terram depacti comprehendant.

### DE NEGUNDO.

DVÆ arbores multis India locis, praesertim verò provincia Malabar inueniuntur, in vsu medico aded commendatæ, vt multis morbis vtiles esse deprehendantur. Duplex Negundo.

EARVM prior mas censetur, & à Canarinus Varalo Prioris descriptio & nomenclatura. Nigūda appellatur, Amygdala magnitudine, foliis supernè virētib; infernè hirsutis, foliorum Saluie modo; & in ambitu serratis, quæ procul aspicientibus Sambuci foliis similia videntur.

### ALTERA

Alterius hi-  
storia & no-  
menclatura.

**ALTERA** Negūdo femina nuncupata, aut Norchi-  
la à Lusitanis, vulgò in Canarin Nyergūdi dicitur: in Ba-  
lagate Sambali, in Malabar Noche: vtraq<sup>3</sup> verò tam mas-  
quam femina Arabibus, Persis & Decan incolis Bache vo-  
catur, Turcis Ayt. Eadem magnitudine qua prior assurgit,  
folia verò habet ampliora, rotundioraque, neque in ambitu  
ferrata, foliis Populi albæ perquam similia.

**VTRIUSQUE** generis folia Saluiam odore & sa-  
pore referunt: degustata tamen magis amara & acria  
deprehenduntur: in plurimis foliis parte auersa summo ma-  
nè inherens conspicitur spuma quedam candida, quæ nocte  
ex illis emanat. Vtriusque flos cinerei coloris est, plurimū-  
que ad Rorismarini florem accedit. Vtriusque fructus admo-  
dum similis est piperi nigro, acris gustus quidem, sed mini-  
mè vrentis vii Piper, at Zingiberi propemodum paris.

**ARBOREM** moderate calidam faciunt, & semini  
paulo plus caloris tribuunt.

Facultates.

**FOLIA**, flores, fructus cōtusa, aut in aqua decocta, vel  
in oleo fricta vtiliter imponūtur omnibus doloribus ex qua-  
cumque causa prouenientibus: præsertim verò in articulo-  
rum doloribus ex frigida causa natis, atque in tumoribus &  
contusionibus, mirabiles præbet effectus. Vlceribus etiā re-  
tustis folia trita imponuntur, felici successu, quādoquidem  
eorum materiā digerunt, eaq<sup>3</sup> emundant & ad cicatricem  
perducunt, modò corpus non sit impurum. Et sanè in vul-  
neribus, apostematibus & contusionibus adeò vtilem expe-  
riuntur, vt chirurgorum operam minimè requirant.

Foliorū de-  
coctum.

**MVLIERES** horum foliorum decocto omnitem-  
pore vniuersum corpus lauant; tantæque inuasit persuasio  
apud illas, Negundo folia, flores & fructus vtilia esse ad in-  
uandum conceptum, vt eum qui contrarium persuadere co-  
netur, lapidibus obrutura sint.

**O B S T E -**



OBSTETRICIBVS etiā quas illi Dayas vocant, Dayas.  
 apprimè nota est hæc arbor.

A DEO frequens est huius arboris vsus ad medendum Huius vsus  
 in illis regionibus, vt nisi Deus præcisos ramos multiplici fœ-  
 tura renasci faceret, iam diu fuissent cōsumptæ arbores, aut  
 certè maximi pretij nunc essent: Sed quò magis præcidun-  
 tur rami, eò felicius renascuntur, perpetuāq; fronde virent.

## DE NIMBO.

ALIA est arbor medico in vsu admodum commenda-  
 ta à Christianis & Gentilibus, reliquisq; earum Indie pro-  
 uinciarum incolis, rara tamen admodum: sed qui eam co- Nomenclatura.  
 gnoscunt Nimbo appellant: Malabarenses Bepole.

MAGNITVDINE est fraxini, cui procul aspicien- Nimbo ar-  
boris histo-  
ria.  
 tibus persimilis videtur: folia vtrinque viridia sunt, nec ab  
 altera parte incana lanugine pubescunt, in ambitu serrata  
 & mucronata: rami multis foliis luxuriāt, floribusq; abun-  
 dant exiguis, albis, quinque foliolis constantibus, flauis in  
 medio staminulis, Lotiq; siluestris siue trifolij odorati odo-  
 rem referentibus: fructus est paruis oliuis similis, subluteus,  
 cortice admodū tenui præditus, nasciturq; ex ramulorū alis.

HVIUS arboris folia nōnihil amaricāt, saluberrimaq;  
 sunt trita & cum succo limonum imposita vulneribus for- Facultates.  
 didis, cuniculosis, callosisque cū hominum tum iumento-  
 rum, digerunt enim, emundant, sarcotica sunt, & ad cica-  
 tricem perducunt. Foliorum item succus perutilis est siue  
 per os sumptus solus, aut ex vino, aut aqua, aut gallina iu-  
 sculo, siue vmbilico impositus solus, aut cū fellis bubuli mo-  
 mento, aut aceto, aut aloë, ad necandos & expellendos om-  
 nis generis lumbricos: quamobrem familiare admodum, &  
 perquam salubre medicamentum est omnibus illius regio-  
 nis incolis præsertim Malabar prouincie, quoniam lumbrici  
 valde sunt obnoxij. Magnus est etiam eorum vsus tum  
 florum

florum & fructus in articulorū doloribus, tumoribus, membrorum debilitate, & apostematibus.

Eius oleum  
neruorū do-  
loribus vtile

OLEVM item ex eius fructu expressum, multo est in vsu in neruorum doloribus. Eoque vulnera, neruorum puncturas, & contractiones curant Malabareses.

### DE IACA.

Iaca natales

NASCITVR arbor in nonnullis Indiæ insulis secundum aquas, quæ licet nullum medicum vsu præbeat, propter amplitudinem tamen, & fructus elegantiam minimè prætermittenda est.

Et nomen-  
clatura.

EAM Malabareses Iaca: Guzaratenses Panax: Canarini Panasu: Arabes Panax & Iaca nuncupant: Persæ matato p. in f. Fanax.

Eius descri-  
ptio.

VASTA est arbor, foliis palmaris amplitudinis prædita, dilutè virentibus, neruo crasso & duro per longitudinem excurrente: malum fert nō ē germinibus aut foliorum sede, quemadmodum aliæ arbores, sed ex ipso trunco maioribusque ramis nascens, longum, crassum, obscurius virens, crasso duroque cortice tectum, vndique veluti adamantum cuspidibus septo, quæ in spinam breuem, viridem, nigroque aculeo præditam desinunt, admodum similem Durioni spinæ, sed minimè acutam aut pungentem, tamen si minitari videatur.

HORVM fructuum minimus est maxime cucurbitæ amplitudine atque etiam maior, præsertim in Malabar, vbi præstantiores nascuntur: nam qui in Goa proueniunt, minores & peiores sunt atque magis insipidi. Cum maturus est hic fructus, bonum odorem spirat, eiusque duas differentias constituunt: Vnam Barca appellatam, & præstantiorem: alteram Papa aut Girasal dictam, minúsque bonam: deprehenditur postrema ex mollitie, quoniam si manu apprehendas, digitis cedit. Præstantissimi verò fructus pretium qua-



quadraginta marauedis non excedit, hoc est, paulo plus regali Castellano. Per longitudinem secti hi fructus, intus candidi, & densa carne præditi apparent, ac veluti in capsulas aut receptacula diuisi, plena castaneis longioribus & crassioribus quàm sint dactyli sine palmula, cinerea tunica tectis, & intus albis castanearum vulgarium modo, gustu terrestri & aspero, si virides edantur, multosque flatus generantibus: at si vti Hispanica castanea assentur, gustu sapido & venerem excitantibus, ob quam solam rem plebs frequentius vti solet. Sunt autem singula hæ castanea pulpa flauescente & aliquantulum lenta inuoluta, & pulpam Durionis nonnihil referente, tametsi ab eo differat: grati saporis est, præsertim quæ in Iaca Barca cognominata continetur, optimi Melonis pulpæ admodum similis: dura tamen concoctionis est, & admodum grauat ventriculum: atque, vt illarum prouinciarum medici aiunt, si in ventriculo corrumpatur, noxios & venenosos humores generat: quiq; frequentius hoc fructu vescuntur, facile in pestilentem illum & pessimum morbum Morxi appellatum incidunt.

Eius facultates noxiæ.

Morxi morbus.

## DE DURIONE.

FRUCTVS est in Malaca adeò grati saporis & odoris, vt reliquis qui in ea prouincia gignuntur, tametsi plurimi sint & boni, præferendi videantur. Cuius præstantia, & quoniam Doctor ab Orta illius etiã meminit capite de Datura, licet eum non vidisset, me impulit vt de eo scriberem tãquam oculatus testis, tametsi in medicina nullum locum obtineat.

Durio vbi nascitur.

VOCATUR hic fructus in Malayo (quæ prouincia est vbi gignitur) Duriaon: ipsius flos Buaa: arbor ipsa Batan.

Eius nomenclatura.

PRÆGRANDIS est hæc arbor, materie valida & solida, crasso cinereoq; cortice tecta, multis ramis luxurians,

Et qualitas.

E & copiosum

& copiosum fructum præbens: flores habet ex albo nonnihil flavescentes, folia dimidij palmi longitudine, duorum aut amplius digitorum latitudine, in ambitu tenuiter serrata, parte externa dilutius virentia, interna verò saturiore virore, & quodammodo ad rufum tendente prædita: fructum Melonis magnitudine, dēso cortice septū, eoq<sup>3</sup> multis breuibus crassiq<sup>3</sup> & pungentibus aculeis horrente, foris viridi & veluti strus quibusdā quemadmodū Melo secundum longitudinem distincto: intus verò concamerationes quatuor secundum longitudinem habet singulas tria aut quatuor receptacula continentes, quibus singuli fructus insunt admodum candidi vii lactis pingue, magnitudine oui gallinacei, gustu suauiore odoratioreque quàm sit condimentum illud ab Hispanis Manjar blanco appellatum, non tamen adeò molles aut glutinosi: nam qui candore illo non sunt præditi sed flavescent, putridi sunt, aut aëris iniuria pluuiæque corrupti. Optimi censentur qui tres dumtaxat fructus in singulis concamerationibus, deinde qui quatuor obtinent: nam qui quinque habent, improbi censentur, quemadmodum & illi qui fissuras aliquas habent: non solent verò in singulis malis plures quàm viginti fructus contineri, iique singuli inclusum habent nucleum, mali persici nucleo similem, non rotundum sed oblongiusculum, gustu insipido, quique guttur exasperet, veluti mespila viridia, propterea non eduntur.

Eius fructus  
edendi ratio.

CALIDVS & humidus est hic fructus: & qui edere volunt, pede leuiter comprimere & frangere solent propter spinas quibus oblitus est.

QVI nunquam hos fructus ederunt, cū primū illos olfaciunt, videntur putridas cepas odorari: sed postquam degustarunt, præ reliquis cibis bene olere & sapere censent.

Eius vires.

EST verò tanta in existimatione, apud eos qui gulæ dediti sunt, hic fructus, vt putent neminē eo posse saturari, propterea varia dant illi epitheta. Memini videre quadam

Epigram-



Epigrammata ab eleganti Poëta in laudem eius conscripta: quæ (si hic locus ferret vt adscriberentur) non dubito quin lectori plurimum essent placitura.

TANTA tamen est huius fructus in Malaca abundantia, vt singuli non pluris quàm quatuor marauedis veneant, præsertim mensibus Iunio, Iulio, & Augusto: nam reliquis pretium intenditur pro hominum arbitrio.

Pretium & æstimatio.

ADMIRATIONE porro digna est Betele cum hoc fructu antipathia quæ projecto tanta est, vt si quis in nauem, Durionibus plenam, ad esue aut concamerationem, vbi adseruentur aliquot Betele folia reponat, corrumpantur & putrescant omnes. Et, sicuti ex Durionum immodico esu ventriculus inflammetur & grauetur, folio Betele supra ventriculum imposito, subito mitigatur inflammatio, tumorq; tollitur. Et si à Durionum esu ingerantur aliquot Betele folia, nullam noxam sentiet, quantumuis multos ederit. Inde fit, tum etiam ob eius gustum suauem, vt vulgò dicatur, neminem eorum esu posse satiari.

Eius mira cum Betele antipathia & facultates.

DE MVSA\* SEV FICV INDICA.

DECEM & octo aut viginti palmorum magnitudine attollitur hæc pulchra & elegans arbor, cuius truncus ex multorum corticum sibi mutuo incumbentium cōiunctione constat, & humani cruris crassitiem adipiscitur, radice rotunda & crassa, Elephantorum grato pabulo: foliis nouem palmorum longitudine, duorum cum semisse latitudine, neruo satis crasso per longitudinē excurrente, & transuersis fibris in latera sparsis, parte superi.re saturis, inferiore dilutioribus: ex huius arboris fastigio nascitur veluti thyrsus quidam florum simul congestorum in modum pinei strobili coloris rufi: deinde vnicum ramum fert humani brachij crassitie in multos nodos diuisum, è quorum singulis decem aut quatuordecim dependent ficus, ita vt nonnunquam ra-

Musa: historia.

Eius varia  
species.

mus centenis aut ducentenis ficibus onustus conspiciatur. Hos in diuersas species distinguunt Lusitani provinciam incolentes: nam Cenorins appellat qui admodum flauent, laues, longiusculi, gratique saporis sunt, & odoratiores: Chincapanoes verò qui virescunt nonnihil, longiorésque sunt, inque etiam grati saporis. Laudantur præterea qui in Cofula nascuntur, Aethiopibus Inninga dicti.

Nomencla-  
tura.

LEGITIMUM autem nomen apud Arabes & Persas (vt è præstante medico Persa in Ormuz nato intellexi) est Mous, non autem Musa aut Amusa: arboris verò Daracht Mous. Reliqua nomina ex GARCIA petèda.

Eius arboris  
ferèdè ratio.

SEMELE dumtaxat feritur hac arbor; nam ex eius radice alia enascuntur: singula verò vnicum (quemadmodum retuli) fructuum ramum gestant, qui, dum maturi sunt, rescinditur, plantamque ipsam sponte exsiccari sinunt, tanquam in posterum inutilem, aut amputant, in domesticorum Elephantorum pabulum.

Eius vsus.

NONNULLI interiora tenerioraque, antequam explicentur, folia, florúmque thyrsus pipere, Xingibere recentis, allio, sale & aceto condiunt, & capparum modo edunt. Folia verò quoniam amplissima, mollia frigidaque sunt, substernere ad accumbendum in aestu solent: & ambustis nonnunquam imponunt. Ruellius huius fructus meminit ex auctoritate Theophrasti & Strabonis.

\*Nemo meo iudicio accuratius hanc stirpem descripsit quam Ouiedus sub Platani nomine. Eius historiam Latinam fecimus, & scholiis in secundum GARCIAE librum cap. de Musa inseruimus.

#### DE MANGAS.

Mangas hi-  
storia.

VASTA hac est arbor & multis ramis prædita, fructumq; fert magna ex parte anserino ouo maiorem, nonnullis interdum India locis binas libras, aut amplius pendentem,



dentē, in eadem verò arbore persape colore differentes isti fructus cōspiciuntur: alij enim dilutè virent, alij flauēt, quidam etiam ex viridi rubescūt: grati admodum saporis odorisque est, & quando non est corruptus, duracinis persicis (quæ à carne firmiore flauaque Melocotonea vulgò appellantur) præstat.

IN multis prouinciis nascitur, vti in Malabar, Goa, Natales.  
Guzarate, Balagate, Bengala, Pegu, Malaca, alijsq; India locis, & in Ormuz vbi reliquis præcellit.

NOMINATVR Mangas: in Canarin Ambo: à Nomenclatura.  
Persis & Turcis Amba: permanētque in arbore ab Aprili in Nouembrem vsque interdum, pro locorū natura & situ.

EDITVR hic fructus in laminas sectus aut sine vino, Eius fructus edendi, con-  
aut vino maceratus. Conditur etiam saccharo vt commodius adseruari possit, atque interdum cultello aperitur, & diendi, & conferuandi ratio.  
in eius meditulliu Xingiber recens, allia, sinapi, sal, cum oleo & aceto insperguntur, vt vel cum oriza edant, vel oliuarum conditarum modo. Saliunt etiam & elixant, atque in forum venalem proferunt.

FRIGIDVS & humidus est, tametsi vulgus calidum constituat, & multas mordicationes in eorum qui vescuntur ventriculo parere affirmet. Quin & indigenæ medicæ calidum faciunt, & vituperant, dicentes serpiginem, erysipelas, biliosas febres, phlegmonas, & scabiem generare. Quod fortè accidit ab eius in ventriculo corruptione: sed eo tempore quo inuenitur hic fructus, propter immoderatum æstum, in similes morbos incidunt etiam nonnulli qui illo abstinent. Facultates.

ANTEQVAM probè maturus sit, gustu adstringente est, & ea pars quæ officulo vicinior est, acerbior: sed maturus dulcis & sapidus est. Præduro putamine, vndiquaque tomento, aut duris fibris transuersim & obliquè excurrentibus operto tegitur nucleus longiusculus & crassiusculus,

magnitudine iligneæ glandis, candidus & candida cute tectus, gustu amaro dum crudus est, ideoque aduersus lumbricos & alui profluvia utilis: tostus verò iligneas glandes sapit.

INVENITVR etiam huius genus sine osiculo, palato admodum gratum.

Mangas siluestre aliud genus.

Et eius facultates.

ALIUD eius genus siluestre reperitur Māgas brauas nuncupatum, adeo presentis veneni, vt indigenæ illo sese mutuo perimant: nam si quis paululum ederit, ilico moritur: interdum oleum admiscunt ad exacuendam eius vim, vtq; celeriore perniciem adferat: sed quocumque tandem modo sumptum, adeo celeriter perimit, vt hactenus nullum sit repertum antidotum ad eius vim compescendam. Dilute viret, & aliquantulum splendet, lacteo succo abundat, paucaq; carne præditus est, nam crasso cortice solummodo integitur osiculum prædurum & cartilagineum, Cotonei tamen mali magnitudine est.

Natales.

PER vniuersam prouinciā Malabar prouenit copiosè hæc arbor, domestica siue satiuā minor, breuioribusq; & crassioribus foliis. Pueri his fructibus, aureorum malorum loco sese mutuo petere consueuerunt.

#### DE ANANAS.

Natales.

PEREGRINVS est hic fructus, & ex prouincia S. Crucis in Brasilia primū in Indiam Occidentalem, deinde etiam in Orientalem Indiam delatus, in quibus nunc vberimè prouenit.

Eius historia.

CITRII verò mali minoris magnitudine est, admodum flauus & odoratus cum probè maturus est, adeo vt prætereuntes ex odore dignoscere queāt ades in quibus sit: succulentus & gratissimī saporis, procul intuentibus cinara videtur, sed pungentibus aculeis caret. Singula stirpes Cardui edulis magnitudinem æquant, unicūque malum gestans



gestant in medio quasi caule, & circa eum multas alias proles, quarum nonnullæ etiam suo fructu præditæ sunt. Qui itaque fructus maturos colligunt, proles ilicò terra mādare solent: è quibus singulæ deinde stirpes proueniunt suo malo onustæ, vti mater, quæ intra annum spatium colliguntur. Eius radix carduo eduli perquam similis est, sed & folia non sunt disparia, tametsi ad Ananas siluestris folia magis accedant. Vulgo Ananas vocant: Canarini verò Ananasa.

CVM primum in Indiam illatus est hic fructus, singuli decem ducatis, aut paulò amplius æstimati sunt: nunc verò propter abundantiam (tametsi neque sapore neque odore primis cedat) vix duobus regalibus Castellanis veneit.

HACTENVS in medicum vsus non est receptus, sed solummodo ob saporis gratiam commendatur. Calidus & humidus est, editurq; maceratus in vino vti Persicū malocotoneum, & facilis est concoctionis; nimius tamē eius vsus inflammationes parit quemadmodū Duriones Malacenses.

Eius vsus.

SI medius secetur, & partes denuo coniungantur, vniuntur vti cucumeres: perfossus verò cultello, si in vulnere vnius diei aut noctis spatio cultellus relinquatur, inuenietur tota ea pars quæ in vulnere hæsit absumpta.

\* Consule nostras annotationes in. 2. lib. Aromatum Capite de Mangas,

## DE ANANAS SILVESTRI.

ALTIVS assurgit qui Ananas siluestris nuncupatur: Ananas siluestris de-  
namque truncum habet hastæ magnitudine leuem admodum, rotundum & Mali aureæ crassitie, spinis horridum: folia spinosis cuspidibus prædita, & per ambitum mollibus spinis septa. Singulæ arbores secundum radicem summa tellure magnam foliorum comam fundunt, maiorum quàm quæ in arbore sunt, quæq; procul intuentibus Aloës foliis si-

milima videantur, tenuiorum tamen, pluribus spinis horridorum, & dilute virentium: adnatus se propagat, aliæq; stirpes ex aliis enascuntur, præsertim in sepibus & hortorum ambitu quos egre græ muniunt. Rami foliorum simul glomeratorum capita proferunt flauentium admodum, & tenerorum, suauissimi odoris, quæ nihil aliud sunt quàm flos ipse; ex horum singulis spica prodit Arundinis spica non dissimilis, sed crassior, compactior, & elegantior, odore Cedri. E ramis dependent fructus Ananas brauo, id est, Ananas siluestres dicti, quoniam cum domesticis nonnullam habeant similitudinem, Melonis magnitudine, coloris rubri elegantis & oculos oblectantis, toti in partes diuisi quemadmodum Cupressini strobili seu nuces exsiccata, sed tuberculis foris obstiti, vt procul spectantibus magni pinei strobili appareant.

Cuius facultatis sit. CAPITVM teneriora folia seu flores crudi eduntur carduoſq; sapiunt, sed exiguum alimentum præbent.

FRUCTVS (quem pauci degustant) sapore vtrumque suauis præditus est, adstrictionis tamen austeræ, & palato parum grata particeps.

SVCCI plena est tota plâta cum suis radicibus. Huius sex vel octo uncie ex saccharo summo manè sumptæ præsentissimum certissimumq; censentur esse remediũ aduersus iecoris & renum calores, renum vlcera, purulenta vrinas, & penis excoriationem: nam magna ex parte post tertium diem sanantur.

VTILEM etiam in diabete esse ferunt: at non sum expertus.

ARABES admodum laudant aduersus eosdem morbos & erysipelas; & Queura vocant, quemadmodum in Decan; Perse Ananasa, & Angali: florem (qui caput illud foliorum odoratũ est) Arabes Chuxtaid, Perse Pixcoxbuith dicunt: Turcis est ignota.

\*Habet hæc plâta aliquot notas nõ dissimiles Aloï Americane,



## DE CARCAPVLI.

CARCAPVLI Malabaribus, Garcapuli Canari- Carcapuli  
historia.  
nis, vasta magnitudinis arbor est, fructum ferens malo au-  
reo cui cortex exemptus sit, magnitudine & forma similem,  
ex grumis omnino constantem, ( sed non separabilibus ab  
inuicem vt in malo aureo, ) tenui, leuiq; & splendenti corti-  
ce tectum, non admodū siccū, colore pallido, at vbi maturuit  
aureo: gustu admodū austero, sed quadā adstrictione grato.

Eo vtūtur in cibis, magnaq; apud incolas eius est laus in Eius vsus.  
curationibus: sed inter omnes quæ experientia comprobata  
sunt primas obtinet profluuij alui cuiusque generis constri-  
ctio, in iis præsertim qui nimio veneris vsu hoc malum con-  
traxerunt: editur verò aut ipse fructus maturus, aut eius  
succus cū oxygala sumitur, aut illius exsiccati puluis: cum  
oxygala autem mixtus & cocta oriça, mirificè appetitum  
deiectum reuocat. Viilis etiam est eius succus, & exsiccati  
puluis in oculorum caliginibus & suffusionibus. Familiaris  
est eius fructus puluis obstetricibus, eum enim puerperis ex-  
hibere solent ad pellendas secundas, & ad purgationes, atq;  
lactis vbertatem præstandam, tum etiam ad facilitandum  
partum magna vt aiunt efficacia.

SUCCVS eius cum alijs plātis mixtus vngui maioris  
digiti pedis imponitur eodem latere quo quis aut caliginem,  
aut suffusionis initium in oculo habet, vtilēque esse perhi-  
bent.

TRANSFERTVR hic fructus siccus ex Malabar in  
alias prouincias.

## DE CARAMBOLAS.

FRVCTVS quem Malabares & Lusitani Caram- Carambola  
historia.  
bolas appellant, in Decā Camarix, in Canara Camarix &  
Carabeli, in Malayo Bolimba, & à Persis Chamaroch

E S dicitur;

dicitur nascitur in arbore cotonea magnitudine, foliis malis, paulò longioribus, coloris viridis saturatoris, & gustus amaricantis: floribus parvis quinque foliolis constantibus ex albo rufescentibus, nullo quidem odore gratis, sed aspectu elegantibus, & gustu oxalidis acetoso. Ipse verò fructus maiusculi oui gallinacei magnitudinem aequat, oblongus, flavescentis, atque veluti in quatuor partes diuisus, sulcis illis paulò altius impressis magnam gratiam addentibus: in meditullio continet semina tenera saporis aciditate palato grata.

Eius vsus.

MULTI vsus est in medicina & in cibis: namque maturum exhibent in biliosis febribus, & saccharo conditum, syrupi acetosi loco præbent. Canarini eius succo, cum aliis medicamentis istis nascentibus, collyria parare solent ad oculorum nubeculas tollendas. Obstetricem (quæ illis Daya dicitur) vidi fructu sicco & in puluerem contrito, & foliis Beete vtentem ad secundinas à partu expellendas, foetumq; mortuum educendum.

EIVS etiam muria cõditi frequens est vsus, cum gratissimi sit saporis, & appetentiam excitet.

#### DE IAMBOS.

ALIVS est in India fructus, qui ob aspectus elegantiam, suauemq; odorem & saporem, tum etiam ob eius in medicina vsum, dignus est cuius historiam hic apponam.

Iambos historia.

ARBOR verò qua hunc fructum præbet, vasta est, maximam palū aureā quæ in Hispaniis nascatur æquans, multis ramis in latum expansis, multamq; vmbra præbentibus prædita, aspectuq; pulcherrima; caudex maioresq; rami cinereo cortice integuntur: folia pulcherrima sunt, lævia, palmū aut amplius longa, crassiore neruo per longitudinem, multis autem obliquis venis in latera excurrentibus, parte superna saturatius, inferna verò dilutius virētia: flores ex rubro purpurascētes, viuidi admodum coloris, multis staminibus



minibus in medio præditi, aspectu pulcherrimi, gustu capreolorū vitis simili: Fructus magnitudine est pyri quod à Rege cognomen accepit, eiusq; duo sunt genera: vnus enim adeo obscure rubet vt niger videatur, magnaq; ex parte osficulo caret, & succi bonitate præstat: alter ex candido rubescit, & osficulum continet album, durum, non admodum rotundum, osficuli quod in persico malo est magnitudine, laue, & candida hirsutaq; membrana tectum, qui licet superiori bonitate cedat, dignus tamen est delicatissimorum etiam hominum palato: vtriusque odor suauissimam rosam refert Frigidus & humidus est, & admodum tener, cortice aded tenui & molli tectus, vt cultello auferri non queat.

ALTE suas radices terra infigit hac arbor, & post quartum annum sit fructifera: fructum sæpius eodem anno perficit, & nunquam sine flore aut fructu conspicitur, cum iidem rami floribus, fructu viridi & maturo semper ferè onusti sint, decidentibusq; quotidie floribus (sic vt solum rubro colore tinctum quandoque videatur) noui subnascantur, fructusq; alij primū enascantur, alij maturescant, alij iam maturi colligantur. Succussa arbore maturi facile decidunt: comprehensi verò rami ad fructus colligendos, facillimè ab arbore reuellantur. Ante reliquos cibos initio mensæ edi solent atque interdiu.

MALABARES & Canarini hūc fructum Iamboli Nomenclatura varia. vocant: Lusitani istic habitantes Iambos, Arabes Tupha Indi, Perse Tuphat, Turci Alma: Lusitani arborē Iambeiro appellant.

FLORES & fructus saccharo cōdiri solēt, iisq; frequen- Facultates. ter vtuntur in biliosis febribus, & extinguenda sitis gratia.

#### DE IAMBOLOINS.

HVIUS arboris materies cortice integitur coloris ferè Iamboloin historia. eiusdem cum Lentisci cortice: folia Arbuti similia habet, sed

sed Myrti virentis foliorū sapore: fructus Cordubēsis oliuis maturis similes, adstringentis gustus, & fauces contrahentis.

**Eius vsus.** NVLLVM vsus in medicina obtinent, sed eduntur cum Oriza cocta, nam appetentiam excitant.

VVLGVSIamboloins appellat.

#### DE IANGOMAS.

Iangomas  
descriptio.

ALIVS est fructus Iangomas nuncupatus, Sorbis ferè similis colore, & immaturis prunis sapore: quibus & arborem similem habet, (sed spinis obstitam) & folia & flores.

Natales.

NASCITVR cum spōte in agris, & in hortis etiam colitur.

Vsus.

FRUCTVS licet maturus digitis prius emolliendus est, antequam edi possit: attamen adstrictionem illam haud mediocrem, nequaquam adhuc deponit: eaq<sup>3</sup> de causa illius vsus est vbi adstrictione opus habent.

#### DE MALIS INDICIS.

Malorū In-  
dicarū histo-  
ria.

MAGNA est arbor multis foliis & floribus prædita, & copioso fructu: folia minus rotūda sunt mali foliis, tamen etsi ea amulentur: supernè saturatè virent, infernè candicant & pubescunt vti Salvia folia, gustu adstringente: flores exigui, candidi, quinque foliolis constantes, inodori: fructus iuiubis seu Zizyphis similes, alij aliis maiores & suavior, nunquam verò tam probè maturescentes vt conservari queant & in alias regiones trāsferri vti zizypha, & perpetuò nonnihil adstrictionis retinentes: vnde colligitur minime pectori vtilis esse quemadmodum zizypha.

Earum no-  
menclatura.

HVIC arbori nomen est in Canara Bor, in Decā Ber, & in Malayo Vidaras, apud Lusitanos Mançanas de la India, id est, mala Indica.

Præstantia.

PRÆFERVNTVR fructus in Malaca nati Malabaricis: sed is adhuc præstantiores quos Balagate profert.

CON



CONSPICITVR hac arbor æstate alatis formicis perpetuò onusta, quæ in ramis eius Laccam elaborant.

## DE AMBARE.

CRASSA magnâque est hac arbor, foliâque habet Ambare  
descriptio. Iuglandis foliis magnitudine respondentia, sed non eius forma, dilutius virentia, & multis venis elaborata, quæ illis magnam gratiam addunt: flores exiguos candidos, fructus Iuglandis nucis magnitudine dilutius virentes, & cortice quàm illa leuiore: odoris grauis & gustus acerbi dum adhuc virent, coloris verò flauis in maturis, gratioris odoris, & gustus grata aciditate commendabilis, medullam continentis cartilaginosa & duram, è duris neruis obliquè intertextis constantem.

HANC arborem appellât Canarini Ambare, fructum Nomenclatura. Ambares, Persæ Ambereth, Turci Harb, Lusitani Ambares quemadmodum Canarini.

PROPTER fructus gratiâ aciditatē eū Omphaci Eius vsus seu agrestæ loco cibis admiscunt: maturum ex sale & aceto edunt, excitat enim edendi appetitū. Indi aduersus biliosos humores vtilem esse perhibent.

SALE & aceto conditus diu conseruari potest.

Eius condien-  
di ratio.

## DE DATVRA.

TRIA sunt huius plântæ genera, quorum quo frequen- Daturæ tria  
genera. tius vtuntur, primo loco describemus: eius enim adeò vulgaris est vsus, vt pauca sint meretrices, quæ inter sua κερμῆλια illud non recondant, ob eas quas postea subnectemus causas.

PRIMUM Althea magnitudine caulem habet, nec Prioris de-  
scriptio. admodum illi dissimilem, in plures tamen ramos diuisum: folia cū magnitudine tum forma Stramonii foliis similia, verū magis in circuitu serrata, vt ferè Xanthii folia: flores albos, Smilacis leuis (quæ Hispani Correguela ma-  
yor

yor, hoc est, Conuoluulum maiorem appellant) floribus omnino respondentes, fructum Stramonie, rotundum, nucem Inglandem magnitudine æquantem, viridi colore præditum, & spinis mollibus, minimèque pungentibus vndique septum, plenum semine Lenticulæ simili, eiusdemq<sup>3</sup> coloris, cordis humani effigie, gustus amari: radicem albam, raphani odore, quæq<sup>3</sup> si diu naribus admoueatur, sternutamenta ciet, cuius cortex nonnihil amaricat, minus tamẽ eo qui caule & ramos ambit.

Natales.

NASCITVR vmbrosis locis, & secundum aquas.

Nomenclatura.

NOMEN huic plãte in Malabar est Vnmata caya, in Canara Datiro, apud Arabes Marana: apud Persas & Turcos Datula: apud Lusitanos Datura & la Burladora, hoc est, faceta.

Qualitas.

LITERATI plerique, atque etiã maxima pars Medicorum istic degentium, legitimã Nucem Meibel Arabum esse censent, frigidamq<sup>3</sup> excessu tertio, & siccam secundi fine constituunt.

Facultates.

MALA inualuit consuetudo apud impudicas mulieres, vt huius seminis in puluerem triti dimidiam drachmam ex vino, aut alia quæ magis aridet materia præbeant: miser qui eum hausit diu velut mente alienatus remanet, aut ridens, aut eiulans, aut dormiens, plerumque etiam alteri colloquens & respondens, vt interdum etiam sana mente præditum esse credas, tamen si mentis non sit compos, neque eum agnoscat, cum quo sermones cõfert, & colloquiū habiti planè sit immemor, postquã ad se rediit. Sunt verò nonnullæ adeo exercitatae in hoc medicamẽto exhibendo, idq<sup>3</sup> sic temperare norunt, vt ad certas, easq<sup>3</sup> quot velint horas, quibus id propinant, mentem adimant. Multa sanè eius rei exempla, quæ vel ego ipse vidi, vel ab aliis audiui, huc adducere possem; sed cum ad rem nihil faciant, prætermittenda esse duxi: illud solum addam, neminem qui simile sumpisset, necatum vnquã comperisse, tamen si nonnullos conspexerim

per



per aliquot dies perturbatos ferri, quod fortè acciderat ob immodicam quantitatem exhibitam : quæ si fuerit nimia, interimit; quoniam hoc semen pernicioſa qualitate non caret, licet Gentiles ad prouocandas vrinas cum pipere & foliis Betele id exhibere ſoleant, & perutile eſſe dicant. Ego verò nunquam obſeruauī, nec experiri volui, cū alia medicamenta ad eam rem vtilia non deſint.

PORRO ſi ad eorum qui hoc ſemen hauſerunt curam Vires variæ; euocentur Hiſpani medici, medicamenta vomitum cientiæ exhibēt, vt quidquid in vētriculo hæſit reiiciant; acres deinde clyſteres iniiciunt ad euacuandum, forteſq; ligaturas adhibent ad diuertendum, tum etiam cucurbitulas adponunt & venam ſecant. Gentiles verò medici & Chriſtiani indigenæ cū à cucurbitulis & vena ſectiōne abhorreant, nihil aliud quàm vomitum prouocant, forteſq; ligaturas & fricationes adhibent, quæ ſi non ſufficiant, balnea ex aqua calida præſcribunt ad eliciendum ſudorem : porrò à vomitu vinum propinant, cui piper & cinamomum admifcent; in cibis verò audaciores ſunt Hiſpanis : nāque euacuata materia gallinas edendas præbent, & vinum dulce aut paſſum exhibent.

RADICIS Daturæ drachma ex vino pota ſomnum profundum inducit, in quo varia inſomnia, & miræ rerum facies obuerſantur.

SEMI NE verò per noctem in aceto macerato, deinde exactè trito vtiliter illinuntur herpes miliares & eryſipelata ſerpentia: nam breui ſanantur.

RELIQVA duo genera facie & fructu ſuperiori II. & III. deſcriptio. ferè reſpondent, ſed flores colore variant: etenim ſecundi flores, licet forma priori ſint ſimiles, colore tamē flauo ſunt, & ſecundum pediculum nonnihil rubent: tertij flores hyoſcyami floribus magis accedunt. Ceterū neutro ex poſtremis duobus vtiūtur, niſi ad necem inferendam. Nihilominus

tamen

tamen *Brachmenes* medici ex secundi semine (quod floribus est flauis) catapotia faciunt, granorum piperis magnitudine, magna sanè efficacie ad sistenda alui profluvia, quibus adiuncta sit febris ardens, atque etiam in dysenteris: Fiunt verò hunc in modum catapotia.

℞ seminis secundi generis drachmam vnā, piperis nigri & longi, sandali albi, atincar, radicū Bifa (adfertur ea ex Bengala & Patanne montibus) foliorum *Bangue*, singulorum dimidiam drachmā: omnia ista diligenter cum aqua terunt in marmore, quo pictores suos colores terere solent, deinde catapotia efformant, è quibus exhibent quantum commodum videtur.

*Nux Methel*  
la est *Stramo*  
nia fructus.

MEA est cum aliis plerisque opinio, vt nucē *Methelam* *Stramonie* fructum esse credam, qui per omnia similis est fructui *Daturæ*: atque si nonnihil ab eo differt, id locorum varietati adscribendum censeo.

*Tatula*.

\* Quantum ex *Daturæ* primæ descriptione colligere licet, eadem est cum *Turcorum* qui *Constantinopoli* viuunt *Tatula*, cuius vsus illis perquam familiaris est.

### DE BANGVE.

*Bangue* de-  
scriptio.

BANGVE simile ferè est *Cannabi* cuius *Dioscorid.* lib. 3. meminit. Caulem habet quinque palmorum longitudine, quadrangulum, colore dilutius virente, fractu contumacem, nec adeò concauum, vt *cannabinus* caulis, cuius cortex nō minus quàm illius in fila diduci potest: folia *cannabina* supernè virentia, infernè incana lanugine pubescentia, gustu terrestri & insipido: semē *cannabino* minus, neque adeò candidum.

Eius vtilitas.

INDI semine & foliis vescuntur, cum vt validiores in re venerea fiant, tum ad excitandam cibi appetentiam.

Compositio.

FIT ex hoc *Bangue* compositio vulgaris admodum vsus in iis regionibus, ad varios effectus: etenim magnates & mili-



& militia praefecti, vt laborum obliti, securius & liberius dormiāt, seminis & foliorum in puluerem redactorū quantum videtur sumūt, illiq; addūt Arecam siue auellanam Indicam viridem, opij nonnihil pro arbitrio: omnia saccharo excepta deuorant: si verò in somno varias rerum species sibi obuersari cupiunt, addunt praeterea selectissimam Camphoram, Caryophyllos, Nucem moschatam & Macis: si verò <sup>ad quid pro-</sup> hilares esse volunt & faceti, & praesertim in venerem pro- <sup>fit.</sup> cliuiiores, ambaro & moscho additis saccharo excipiunt, & electarium faciunt.

MULTI mihi affirmarunt huius semen & folia ad libidinem ciendam mirae esse efficacie: vnde colligere licet, nihil affinitatis habere cum Cannabi, licet illi admodum similis sit, quandoquidem auctore Dioscoride loco supra dicto Cannabis calida & sicca est, & genituram extinguit.

DICITVR Arabibus Axix, Persis, Decan & plurimarum aliarum regionum incolis Bāgue; Turcis Asarath. <sup>Nomenclatura.</sup>

\* Sed & hoc Bāgue plurimā affinitatem habere videtur cum Turcorum Constantinopoli degentium <sup>Maflac.</sup> Maflac: quo ad varios effectus vtuntur: nonnulli etiam veltuntur excitandæ veneris gratia.

#### DE HERBA VIVA.

NONNULLIS Asiae locis planta quaedam inuenitur, Herba viua <sup>nomēclatura</sup> vulgo Herba viua nūcupata, à circumforaneis illis Iogues appellatis, Herba amoris, ab Arabibus & Turcis Suluc, & à Persis Suluque.

EXIGVAM habet radicem, è qua supra terram exiliunt octo ramuli duos digitos longi, foliis vtrinque in ordine digestis & inter se respondentibus onusti, quae plurimum ad Erui tenella folia accedunt, nec dissimilia sunt foliis prioris Polypodij, cuius iconem Lacuna exhibet lib. 4. cap. 187. sed longe tenuiora, & vtrinque lenia, & grato virore oculos pascencia, vti Tamarindorum folia: è medio radicis capite <sup>Eius historia</sup> exiliunt

exiliant pedūculi (nam caule caret) quatuor, singuli suum florem sustinentes flauum, aspectu pulcherrimum minoribus Caryophylleis similem, sed sine odore.

Natales.

NASCITVR calidis & humidis locis.

Mira eius  
natura.

ADEO mira est huius plantula natura, vt eam humana ratio assequi nequeat. Nam cū maximē viret, gratissimāque est aspectu, si quis illam apprehendere cupiat, ilico folia contrahit, atque sub tenues ramulos recondit; si verō apprehēdat, subito adeo marcida cōspicitur, vt exsicari putet: sed quod maiore admiratione dignū est, si manū retrahat, ilico suum nitore recuperat, & toties marcescit aut reuiuiscit quoties cōprehenditur, aut manus ab ea retrahitur.

MIHI autem relatum est Philosophum quendam in Malabar dum nimis curiosē huius plantæ naturam obseruare cupit, amentē esse redditū. Plantā ego conspexi, eamq; cum suo cespite, ipsam minimē cōtingens, erui, & in hortum quendā trāstuli, vbi permansit; at fatūū minimē vidi.

Facultates.

INTERROGATI à me nonnulli indigena medici, an aliquas huius plantæ facultates perspectas haberent, illamq; in vsum medicum adhiberent, affirmarunt vtilem esse ad virgines corruptas in integrum (si credere fas est) restituendas & ad reconciliandum amorem miræ esse efficacie. Gentilis medicus & pro ea regione satis doctus, cū adeo cupidum cognoscendi huius herbæ facultates conspiceret, ait, vnā se edocturum adeo compertā & certā vt ceruicē pro pignore deponeret, nisi eam sic se habere comperrē. Nempe vt illi cuiuspiā mulieris, qualiscunq; etiā status, nomē modò indicārē, se effecturū vt illa in omnibus mihi obsequeretur, dūmodo ex ipsius præscripto herba vterer. Sed conditionem respici quandoquidē res adeo illicita esset. Nihil igitur aliud post diligentē inquisitionē de hac plāta intelligere potui, quā apud Gētiles, præsertim verō Brachmenes Canarinos & Iogues in magna æstimatione esse.

QVO-



QVODAM die mihi accidit plantas conquirenti non procul à flumine Mangate vt Gentilem quēdam humi sedētem & verba quēdam obmurmurantē, tanquam oraret, fortē conspicerem; quē cū compellassem, nihil respondit, sed meo interpreti quem comitem duxeram, manu dumtaxat innuit: is hominem intelligens, celeriter sese inde proripuit, meque secedere iussit, inquiens Gentilem illum incantatorem esse cuiusdam illius regionis Capitanei quem Caymal appellant, & istic sortes iacere supra Herbam viuam, id fieri solere repurgato prius circa ipsam plantā solo ad hominis longitudinem, recitarique quēdam concepta verba, & expectari primam auem aut rem animatam quā istam plantam pratergrederetur dū verba obmurmuraret, cuius sanguine (si comprehendi posset) perluenda esset, sin minus, alterius eiusdē speciei, idq; cum multis ceremoniis, quas pratermitto, cū indigna sint vt scriptis mandentur. Conspecti deinde istam plantam siccā inter supellectilem mulieris prostitutā pudicitia.

\* Ea esse videtur quam Garcias libro Aromatū describit foliis Polypodij nullō nomine addito. lib. 2. cap. 27. fol. 212.

## DE HERBA MIMOSA.

ALIA planta inuenitur in quibusdam hortis quinque palmorum lōgitudinis, & vicinis arbutis aut parietibus incumbens, tenui caule, elegāti virore prädito nec admodū rotūdo, per intervalla exiguis & pungetibus spinis obsito, foliis superioribus haud absimilibus, filicis femina foliis minoribus.

Herba mimosa historia.

GAVDET humidis & petrosis: & Herba mimosa Natales. nuncupatur, quoniam manu admota senescit & marcescit, manu verò remota pristinum virorem recipit, sed non adeo celeriter vti prior.

NATURAM habet plurimum ab Arbore tristi differentem: nam singulis noctibus Sole occidente senescit & siccatur quodammodo, sic vt contabuisse videatur: Oriente

Natura.

verò Sole vigorem denuò recipit, quantòque Sol magis feruet, eò magis viret, totòque die folia ad Solem conuertit.

Odor & sa-  
por.

Vires.

Quibus cum  
plantis con-  
ueniat.

ODORE & sapore est Glycyrrhiza: vulgòque ab indigenis folia manduntur aduersus tuſſim, ad pectus repurgandum, & vocem clariorem: renum etiam doloribus vtilis eſſe cenſetur, & recentia vulnera glutinat.

\* Multis notis hæc planta conuenit cum Fœnogræco ſilueſtri Tragi, ſiue Polygalo Cordi & Glycyrrhiza ſilueſtri Geſneri, cuius folia & radices deguſtata Glycyrrhizam ſapiunt: nam eius folia noctu interdum contrahuntur (quod in multis leguminaceis plantis uſu venit) at ſpinis caret caulis, niſi pro ſpinis ſumere libeat tenues illas & mucronatas appendices ſedi foliorum alatorum inhærentes.

#### DE PINEIS NVCLEIS MALVCANIS.

Pineorũ nu-  
cleorum de-  
ſcriptio.

ALITVR in hortis quibuſdam Malabar, tum etiam in nonnullis ſiluis ſponte naſcitur Arbor magnitudine Pyri, cuius folia inferne diluto virore prædita ſunt, ſuperne autem ſaturo, admodũ tenella & mollia, quæ guſtata valde acria deprehenduntur, & linguam diu vellicant: fructus triangularis, auellana magnitudine, interius in multa receptacula diſtinctus, in quibus ſemen eſt album, ſolidum, rotundum, pineo nucleo ſuo putamine exempto par.

Eorum uſus. EO fructu frequenter vtuntur Indi, cùm in curandis quibuſdam morbis, tum etiam in ſuis nequitiis.

BINOS eiufmodi nucleos tenui membrana quæ illos contegit liberatoſterũt, & clyſteribus vulgaribus admixcẽt aduersus Sciaticam, & vrine difficultatem: ſeu propinant cum gallinæ iuſculo ad educẽdos putridos, lentos, craſſoſq; & frigidos humores, & aſthmaticos curandos, aduersus quem morbum plurimum cõmendant, & frequenter vtuntur. Ex aqua tritis impetigines inuncta primũ tamen diligẽter conſtricata & abraſa, probẽ & breui temporis ſpatio curantur: ſed admodum vrunt, vt experientia didici.

IMPROBÆ etiam mulieres illarum prouinciæ ſuis



ſuis maritis parum æquæ, quatuor grana ſuæ nucleos edendos præbent, vt eos interimant.

VVLGO appellatur hic fructus Piñones de Maluco, ructus nomenclatura.  
hoc eſt, pinei nuclei Malucani, quod iſtic frequētes ſint arbores hunc fructum ferentes, multuſq; & familiaris admodum ſit illius vſus in purgationibus: à Canarinis Gepalu.

## DE CHARAMEIS.

HVIVS arboris duo ſunt genera: Vnum meſſili amplitudine, foliis pyro ſimilibus, dilutè virentibus, fructu aulanis ſimili admodū ſtauo, eleganter in multos angulos deſinente, ſapore omphacij, & grata aciditate, quem vel immaturum vel maturum vel ſale conditū vulgariter edunt. Duo genera Prioris deſcriptio.

ALTERVM genus eiſdem eſt magnitudinis, foliaq; habet malo minora, fructum verò priore maiorem, cuius decocto cum ſantalidis aduerſus febres vtiſſimum Canarini medici. Alterius hiſtoria.

CRESKIT in ſiluis & montibus procul à mari diſitis.

E primi generis quod ſecundum aquas naſcitur, arboribus, ſeligunt Decanini & Canarini eam quæ longius à mari abeſt; eiſus radicis corticem (cui lacteus ſuccus ineſt) quatuor digitorum longitudine ſumentes cum drachma ſinapi probe terunt, & aſthmaticis exhibent: valenter enim purgat per aluum & vomitum. Quod ſi immodica ſubſequatur euacuatio, Carābolas fructum vnum viridē edunt, vel acetū Canarini hauſtū ſumūt (quod nihil aliud eſt quàm aqua decoctionis orizæ vno aut altero die reſervata donec acceſſat Canarinis acetū vices præbēs, & medicū vſum præſtans) & ſi profluuium non ceſſat, ægris caput frigida abluunt. Natales. Prioris generis vſus,

MAGNVS eſt horum Charameis vſus in illis provinciis, & ad orexim ciendā, edere ſolent immaturos, maturos, ſalitos, vel ſale & aceto conditos vt antè dixi; aut aliis edulis quibus aciditatem conciliare volunt admixcent.

VOCANTVR in Canara, Decan, & vulgo Charameis; Arabibus, Perſis & Turcis Ambela, Nomenclatura.

## DE HERBA MALVCANA.

Herbæ Ma-  
lucanæ hi-  
storia.

DVORVM aut trium cubitorum longitudinem ad-  
quirat hæc planta, nonnunquam etiam locis vberioribus &  
humidis, quinque cubitos superans, eleganti virore prædita,  
caule tenui, tenero, nonnihil concavo, imbecillo, & nisi vti  
Iasminum pergulis sustineatur, humi sese diffundente,  
quemadmodum hedera, & multos ramos spargente, qui  
subinde radices agunt vt Mentha & Melissophyllon,  
adeoq; serpunt, vt planta sola vel ramus transpositus breui  
temporis spatio magnum locum occupet: folia habet tenella  
& mollia, in ambitu serrata, magnitudine & forma Sam-  
buci foliis respondētia: florē crocēū Chamæmeli flori admo-  
dū similē, paulō tamē maiore. Toto anno viret & luxuriat.

Nomencla-  
tura.

VVLGO nuncupatur Remedium pauperum, & de-  
structio Chirurgorum; Canarini Brungara aradua appel-  
lant, id est, quæ flore est croceo.

Vfus.

FREQVENTER viūtur cum in Maluco (vnde præ-  
mam originem traxisse creditur, quod istic abunde nasca-  
tur, & plurima admisceatur Chirurgicis remediis) tum in  
omnibus Indiæ prouinciis, in quibus diligenter colitur, & in  
pretio habetur, nec iniuria.

ex eo vngue-  
tum mirè ef-  
ficax.

COQVNTVR huius plantæ folia in oleo, & cum  
cera inspissantur vnguenti modo: mirificè curat id vnguen-  
tum omnis generis vlcera cum recētia tū antiqua, etiam si  
sanguinolenta, sordida, cuniculosa, maligna & putrida sint:  
miræ esse efficacia deprehendi in tibiærum vulneribus inue-  
teratis, & recentibus vulneribus.

Alia huius  
stirpis vtdæ  
ratio.

ALIA est præterea huius stirpis vtendæ ratio. Eius  
enim caulem & ramos superiore cortice denudant, & su-  
munt membranam illam tenuem quæ media est inter ex-  
teriorem corticem & caulem, quæq; facillè, vti in cannabi,  
reuellitur: eam oleo nucis Indiæ madentem, ipsius plantæ  
foliis



foliis inuoluunt, & sub cineribus calidis recondunt: vbi incaluerit & emollita fuerit, conterunt, & recentibus cruentisq; vulneribus imponunt seu grandia sint, seu minora: & paucis diebus non sine admiratione conglutinant absque vlla inflammatione aut apostemate: lenit enim dolorem, sanguinisq; fluxum cohibet, breuiter, nullo alio medicamento adhibito omnino ad cicatricē perducit: singulare etiā perhibent esse remediū aduersus neruorū pūctiones & vulnera.

EODEM præterea modo adhibetur in apostemate aperto ad emundandum, carnem generandum, & ad cicatricem perducendum: item in inueteratis vlceribus & cuniculosis, in quibus ea solummodo trita interdū apponitur.

PORRO quoniam ista remedia huius plantæ certissima sunt, vulgariter us vtuntur in vniuersis illis prouinciis, & magna habet in æstimatione: multi præterea alij qui inde nauigant vnguentum ex hac herba cum oleo & cera confectum, secum efferre solent, tantam fiduciam in eo collocantes, quasi omnia chirurgica remedia apud se haberent: itaque quacunque occasione in qua chirurgorum opera requiri posset, subito ad vnguentum ex herba Malucana confectum confugiant, tanquam indubitatum remedium.

Vires variz.

Vnguentum omnia chirurgica remedia continere creditum.

## DE SARGAÇO.

IN celebri illa nec minus metuenda nauigatione del Sargaço (sic enim totū illud Oceani spatium à decimo octauo gradu ad trigessimū quartum ab æquinoctiali ad Septentrionē tendens, qui in Indias nauigant, appellant) conspicitur profundū & spatiosum æquor tectū herba quadā Sarguaço nuncupata, palmum longa, tenuibus ramulis in glomos conuoluta, foliis angustis, tenuibus, & dimidiam vnciam longis, in ambitu admodū serratis, colore subrufo, gustu insipido, siue insensibili mordicatione prædito, qui potius ex aquæ salisugine contractus, quam ipsi plantæ imatus videatur. Ad

Vbi Sargaço inuenitur.

singul-



## 88 CHRIST. A COSTA, AROM. LIB.

singulorū foliorū exortus in heret semē rotundū vti granum  
 piperis vani & vacui, tenui corallio albo, interdū autem co-  
 rallio rubro & albo omnino elaboratū, tenerū admodū dum  
 primum ex aqua educitur, & durū si exsiccare sinatur, sed  
 propter tenuitatē admodū fragile, salsa aqua plenū. Nulla  
 radix in hac planta conspicitur, sed sola ruptura vestigia  
 apparent, atque in profundo arenosoq; maris alueo nasci-  
 tenueq; radices obtinere credibile est, tamen si nonnulli opi-  
 nentur rapido aquarū quæ ex multis insulis in Oceanū in-  
 fluunt cursu, istā herbā euelli & simul trahi. Cū eam opi-  
 nionē pertinaciter tueretur Nauclerus illius nauis quæ ve-  
 hebar, subortaq; esset inter nauigandū hoc mare malacia,  
 quantū acies oculorū extendi potuit, id vndique ista planta  
 contactum vidimus, demissiq; nonnullis iunioribus nautis quæ  
 eam herbā à nauī propelleret, aquamq; repurgaret, apertē  
 cōspeximus eius herbæ glomos simul implexos ex alto mari  
 emergentes, vbi demissa bolide nullus fundus tentari potuit.

No-  
tur

Vf

Eius plantæ  
præstantia

HÆC planta aceto & sale condita eiusdem saporis est  
 cum Crithmo, siue fœniculo marino, & in eius penuria su-  
 mi posset; tum etiam Capparū loco à nauigantibus edi. Iussit  
 illam recenter è mari sumptam capris quas in nauī veheba-  
 mus obici, & auide sanè vescabantur.

Facultates

ex  
tu  
fic

NULLAS eius facultates comperi, sed quidam è no-  
 stris nautis vrina difficultate laborans, & arenulas crassos-  
 que humores eiiciens, crudam eam & coctam fortē edit,  
 quoniam illi bene saperet; paucos post dies affirmavit mihi  
 magnum ex illius esu se sentire commodum, secumq; de-  
 tulit, vt peracta nauigatione, in continenti vteretur.

Al-  
sti-  
latLenticula Ma-  
rina.

\* Considerandum an non sit Lenticula marina ferratis folijs  
 nostri Lobelij, cuius iconem inter marinas stirpes ad Ob-  
 uationum calcem exhibet.

FINIS.



unmarked 70



